

三山禪師語錄

六之十

C40
4514
(326)

C40-4514

了翁上座清一藏及有
家書置之武州紫雲山
我微突塔院庭府中永
為學者不敢許出院內
富山二世鐵牛機謹誌



B 64853

三山來禪師語錄卷六

佛事

塑土地成垂語

書記普定編

蒼蒼古樹巖巖石屋就裡安身無拘無束還記得王
老師莊上喫油糍事麼卓一卓云山僧為汝點開正
眼且自各照腳根向後不得口快

慶忠菴安佛

巍巍堂堂磊磊落落禮拜亦得巍巍堂堂磊磊落落
不禮亦得不禮各自稱尊禮則彼此恭敬此慶忠老

人語巍巍堂堂磊磊落落供養不可巍巍堂堂磊磊
落落不供不可不供彼此恭敬供則各自稱尊恁麼
告報與老人是同是別這裡見得許出山僧一頭去
爲再門譚善人化龕

以拂子上指云來直恁麼來下指云去直恁麼去打
○相云來去直恁麼放下云有住還無住既是無住
亡靈在甚麼處有星皆拱北無水不朝東

爲清園頭舉火

青山頂上鑿頭鑿底問汝生涯黃瓜茄子不會從今
歸去來燎却面門曹溪水裡咄

恒石比丘薦師智燈請垂語

西風落盡白雲低萬里青山不見眉惟有智燈長自
在堂前竹影任參差豎拄杖云還見這漢麼以不生
而生頂門吐出三春霧以不死而死脚指噓回萬籟
風且聽山僧爲汝道個指南偈子天地玄黃宇宙洪
荒日月盈昃辰宿列張寒來暑往秋收冬藏啐下文
繁長

爲聚雲師翁設忌

拈香在手噓一聲爇向爐中連喝三喝遂禮拜

瑞光洞禮巴掌和尚真

蜀之東楚之南吾師真面目綠水與青山青山綠水
依然在洞口白雲去復還逸真一匝

對耳菴和尚真

毒腸漢因甚作這般去就衆中還有出來道得底麼
時門人等秉耳師遺訓將法衣杖拂呈師求代接人
師云此是巴掌先師付囑耳師兄底法服不料鈍滯
多時今他未了寃債轉累山僧如何打當高山流水
淡淡意自有知音笑點頭

收耳菴和尚靈骨

舉拄杖云此是老漢脚踏翻星斗卓一卓云此是

老漢頂蓋摩碎泥沙且道鼻孔落在甚麼處南邊地
北邊田東家驢西家馬

載德寒谷同事慶忠老人一司庫一典厨青勸齋
直有劫法門兩人開創梁之香鑪山先後脫去行
時各謂徒衆曰吾化後當餅吾骸以充魚腹違則
不安丁酉春其徒請師住香鑪山師懷感舊誼命
如法送葬以滿兩人之願云

爲載德寒谷啓骨

來時借此房囊去後丟這絡索不遇無情毒手那能
本誓圓成唵翻轉面皮猶有一着送至江邊舉僧問

雲門如何是諸佛出身處門云東山水土行僧問幻
有如何是諸佛出身處有云西河火裡坐看來乾爆
爆地濕淋淋濕淋地乾爆爆這兩個漢雖是山間
河間火裡水裡不妨成個遊戲三昧且道出身一句
擲拋下骨餅云度利益婆訶

紫芝禪人少而穎異叅師於興龍五雲二月間秣
如會得這個如何便了生死師呵呵大笑又一日
師上堂芝問開口成雙楸如何是聲前一句師云
不向汝道芝云止道龜毛紅似漆誰知兔角黑如
銀師云汝從那裡記得來芝禮拜嗣後命居第四

座地方風鶴芝辭師北行偶爾抱病臨終以書達
師云前翠影歸曾具啓上函丈想和尚紺目垂青
已識弟子受苦之由今病篤不起矣每懷師恩未
報淚雨如傾值今大限臨頭不獲拜辭蓮座彌天
抱恨萬望和尚垂慈向無言無說處放開兩片不
覩不聞中下番毒手俾弟子得急速回頭再承教
鐸那時覲面親承橫身擔荷方滿弟子之夙願仰
答和尚之婆心淚啓心酸瞻依曷旣

爲紫芝禪人對靈

紫芝紫芝來此何遲去此何急雖然來去平常奈爾

臨行一句喝一喝云這個是無言無說彈指一下云
這個是不覩不聞汝還承當得麼拈拄杖卓一卓

爲南浙祝髮二師掃塔二師共塔

來則同行去則同住二師幻跡何憑行亦不來住亦
不去二師真儀猶在這些卽置且道來上座向無縫
塔前如何報稱良久云昔日相依處今朝稽首時
爲耳菴和尚掃塔

青山青綠水綠中有不變黃金骨不埋荒草掩泥沙
此是吾兄真面目大衆見麼噯

送佛幻上座靈骨入江

能殺能活能縱能奪妙用在於師家可死可生可出
可沒變化關乎學者卽今佛上座全身落在山僧手
中且作麼生安置投骨餅於江云好將悲願度群生
莫滯澄潭死水裡

送永谷耆舊入塔

卓一卓云生也生也來處不可思議卓一卓云死也
死也去處不可思議卓一卓云歸塔也歸塔也安身
立命處不可思議因甚不可思議良久云千聖亦不
識

爲袁府朴素陳夫人對靈

喝一喝云還聞麼若聞道人猶有耳在豎拄杖云還見麼若見道人猶有目在耳目見聞此正是生死呀邊事曾記道人叅究時有省嘆曰經云無所從來亦無所去原來只是這個道理看此數語道人早已打破生死關頭而今善果已周報緣既盡如何是轉身後事莫厭娑婆爲苦海還來作個渡人船

爲秀莪上座起龕

爾旣住此爾又去此去住自由何分彼此旣是不分大衆送爾則個爾旣住此爾又去此去住自由何分彼此旣是不分爲秀莪舉火爾旣住此爾又去此去住自由何分彼此旣是不分

千根松萬個嶺住此中者常惺惺而今去後却如何念爾孝思古今共永那見孝思聳爾師耳和尚開創此山不久圓寂世道離亂塔舍荒涼爾乃隻影孤形依守廬墓今則法衆雲從爾又脫去豈不是爾可念處雖然識得今朝抽身處依然昔日住持人以火把打圓相遂燒

爲玄行者舉火

纔脫塵勞便歸寂滅喜落曇華寺中爲汝末後永訣此回歸去勿再來逍遙永證無生滅喝一喝

爲頑石比丘舉火

三山齋詩集卷八
二
撰述
描不成畫不就本來面目仍依舊數十年來住江頭
高峰頂上今鬪湊頑石比丘還知落處麼烈火燄中
休眨眼寒灰冷地莫藏身

爲曉行者舉火

春山青草綠曉天天曉尋歸路正恁麼時歸去來
歸去來兮何拘束何拘束撿下火炬喝一喝
爲慶忠老和尚起龕
兔生角猴無口檢點將來煞甚知有知有底人向甚
麼處去山前檀越家作一頭水牯牛去古人恁麼道
可謂屈尊就卑拖泥帶水且道我慶忠老人畢竟向

甚麼處去以手引龕遂行

舉火

本無來本無去去來不二不屬事不屬理事兼該
因甚如此告報祇緣老人昨夜向夢裡告別郡侯劉
公比午劉公先作舉火偈看來劉公作偈時正是老
人圓寂時可見理事潛通便成此去來因緣一段這
些且置今日火把子落在不肖兒郎手裡合作麼生
擯下喝一喝云噉噉噉哩娑婆訶

收靈骨

盡大地是個法身何從揀辨拈起靈骨云恁麼也得

徧虛空無些遮障那着覆藏封却瓶云不恁麼也得
顧左右云還見麼以手托瓶便歸

首九拈香

一加八六連三燈籠露柱驚走貓兒狗子膽寒進九
退一上一除九燈籠露柱膽寒貓兒狗子驚走正恁
麼時去卽印住住卽印破一任往過來續脚跟下何
曾動着分毫茲乃先師首九之期若作過去未來打
算未免錯過卽今現在一句合作麼生展具作禮

迎靈骨至高峰安座

拈香云昔從此過今從此來分身應念悲願不灰賴

有吾師遺命在高峰頂上泥牛飛五嶽木馬踐三台

焚香作禮

沈赤肩居士爲母請對靈小叅

師以拂子畫一畫云這條驀直路頭多少行人踏他
不着豈如沈母陳夫人當其示現受生來從這裡來
脚跟下未曾增着些子而今厭凡順世去從這裡去
脚跟下未曾減着些子至於懿德受褒膺夫榮子貴
之誥柔嘉利往致安隱極樂之祥可謂得大受用得
大自在矣正眼看來猶是空花泡影邊事還知本命
元辰落處麼以拂子畫○相云急急回頭點舊山莫

忘從前這一句喝一喝

佛事演說

竊以達磨西來直指單傳大意善財南去專明向上
玄關渺渺程途十萬里不憚其勞茫茫烟水百由城
無辭其遠總爲抽釘拔楔故爾帶水拖泥今日剔起
眉毛放開眼界徧觀大地閑看衆生疇無聰明聲色
中被他瞞昧都有知覺根塵上却自昏懵若能啓發
信心便見本來面目非紅非白而處處聚頭卽幻卽
真而時時撞額舉足下足之地無非普賢道場左之
右之之間盡是毘盧境界漫道是我今佛是佛詎

知聖無聖也凡無凡奈彼執妄迷真之徒未達明心
見性之旨生死海頭出頭沒更無了期傀儡棚搬去
搬來全沒下落兼以無明固結况復惡愛牽纏用盡
機關戰勝在蠅頭蝸角弄成伎倆攻取於蟲臂鼠肝
或爲利祿而營求或因功名而貪戀或恣一時之口
腹害物傷生或結千生之業冤損人利已愛慾水溪
似江河人我山高於丘嶽般般造罪種種積愆未可
言宣難於枚舉嗚乎是豈知萬化皆空萬緣皆幻到
頭算去大夢一場無端效弄影之獼猴每日若挽車
之牛馬針錐不轉呼喚難回非仗三寶之慈悲誰爲

衆生之依怙爰開方便乃作皈依布最勝之因緣報
德酬恩從一日二日而至十數日建無遮之法會濟
孤拔苦自此方他方以及無邊方因洗滌夫身心爲
蠲除夫垢穢此種功德還有證盟也無盡○相云凡
情上達大圓鏡諸仁者將謂焚檀供石酌水獻花爲
凡情耶錯將謂聖智佛光神聰天眼爲圓鏡耶錯會
得這兩錯便見天人一致生佛同原罪福皆空聖凡
不隔衆生心內諸佛現現成成諸佛心中衆生灑灑
脫脫本無諸佛亦無衆生只爲此心不安便道有罪
可懺昔日二祖神光求初祖與之安心祖云將心來

與汝安光云覓心了不可得祖云與汝安心竟三祖
僧璨求二祖與之懺罪祖云將罪來與汝懺罪云覓
罪了不可得祖云與汝懺罪竟此處看破何心何罪
何佛何生但屬有爲都成剎事雖然如是於彼卽得
今則不然不見道實際地不受一塵佛事門頭不
捨一法不捨一法而法法圓通不受一塵而塵塵遍
入拈一莖草作丈六金身將丈六金身作一莖草建
立也在我掃蕩也在我恁麼告報畢竟建立底是掃
蕩底是末後一句更聽敷宣

題讚

讚接引

我欲生金蓮禮師黃金相師住蓮華國脚踏蓮華上
垂手度衆生白毫光蕩漾胡以報師恩驀頭三十棒
爲甚麼如此南無阿彌陀佛

又

和南稽首瞻禮慈顏明珠掌上白毫指間兩脚踏地
筋力何艱奈有慈衷長不了咦伸手容易縮手難

讚西方三聖

獨獨慈尊雙雙大士卽一卽三非三非一漫云住在
西方覲面分明這是且道是個甚麼禮拜底供養底

稱讚底響

讚彌勒

挺胸大肚無醜可醜不顧皮毛赤脚赤手癡心一片
到驢年喜地歡天笑破了口咦

又

顛三倒四賣俏贏乖一條布袋放去收來明州市上
忒癡跋惟有三山不怪你雖袒裼裸程於我側爾焉
能免我哉

又

天上無彌勒地下無彌勒覲面看將來分明是這賊

據欵結案合作麼生三十拄杖也不較刻

讚觀音

惟音可觀可觀惟音不從眼見不從耳聞非聞非見
非色非聲畢竟如何觀音觀音

又

一幅畫圖那堪着眼石上水間好不危險自在輪珠
忒煞大膽南海畔不回頭嘻正眼看來也是徐六
擔板

又

描不成畫不就怪哉丹青無端漏逗筆筆圖來筆筆

真生鐵面皮何太厚且道靈感一句還寫得出麼石
爲墨兮海爲池紫竹爲筒也不能勾

題普賢掃象圖

花入牙間鼻孔遼天渾身潔白一塵不粘因甚放伊
不過喫一柄鐵筴也是無端

讚渡江達磨

這漢何爲來此江上脚踏蘆枝全沒勾當滿腔心事
却如何檢點將來也瞞不過我三山和尚

又

鬼頭鬼腦不挽人愛揚子江邊無人裝載摘個蘆枝

撰述
脚底浮可謂受用而自在還有看破底麼見怪不怪
其怪自壞

又

我要擡你上天你却飄然在水我要捺你下淵你又
蘆枝襯起我豈沒奈你何念你遠來姑放過你改却
癡心舒却眉再莫輪眼督睛打臉打嘴

又

臉青面黑色勃如也水上波間足躩如也緘口結舌
似不能言者老胡呵好大哥不曰如之何如之何吾
末如之何

讚面壁達磨

鐵起春梁都盧着嘴不畏暑寒不避風雨生又不生
死又不死如癡如醉更如泥三三年來幾餓殺你復
高聲喚云老漢老漢

又

一座熊山非師之讐九個年頭非師之債非讐似讐
石地坐穿非債似債光陰都賣可憐一片老婆心干
古萬古無人替代啐錯過底不少

又

頭又不回頭又不轉不怕石落崖崩一味粗心大膽

撰述
三山雜詩卷一
三
剛剛坐到九年算來不增不減這般伎倆瞞阿誰沒
勾沒當討甚麼碗

讚石上達磨

一卷經一隻履疊膝跏趺怪相無比不在熊山不在
江仔細看來依舊是你你你生旦丑淨末一棚搬到
底

又

手裡一卷經腰下兩莖帶跏趺坐磐石間無人能比賽
不學疎狂不學癡異樣風流惹人障礙礙他作麼
骨底骨董牛疽馬癩

讚梓潼

文章雖貴非此君而不榮血食雖重非此君而不靈
司厥文衡錫爾子孫君兮君兮允矣至德弘仁

讚南浙二師真

是相非相非相是相是非兩忘如在其上阿呵呵見
也麼南浙二師好大哥

讚耳菴和尚

舌上藏鋒鼻中帶戟殺人有恩救人沒義毀且不能
讚之何及頂門具眼三丈長腦後見腮橫八尺向道
諸人着眼看大露堂堂只這是

自讚

千首座請

十年不可瞞一筆圖將出皮肉骨髓渾全直得橫身
交付拄杖頭邊放光明從此一燈百千燈南北東西
隨爾分布照燭咄

峰上座請

眼大口大心大手長舌長眉長虛空不似面目鐵石
難比肝腸峰上座解承當道我不是驢不是馬不是
羊

言西堂詩

右蒸爐香左持拄杖中有沒量人是相却非相松間
石上意如何一物不爲三山和尚

玉維那請

這漢何人呼之無名這漢匪的覓之無跡偶爾軸上
相逢又道覲面不識爲甚麼不識啐

南行者請

白拈巧弄老不守閑匡持祖道心血未乾任從髮白
髮頭斑精悍之色在眉間是之謂五雲三山

覺學人請

幼而讀書不識一字長而能文不解一義而今百無

三山雜詠
三山雜詠卷六
五
所能到處逢場作戲還見麼千木隨身任縱橫敲空
擊水何拘繫

脉學人請

形與未質三山何質名起未名三山何名名質不有
只須知有一蒲一衲一卷山塵上清風獅子吼

笑監院請

五雲老漢全沒人情遇佛便噉遇祖便吞從來面目
得人憎仔細看來也直是個鼻直眉橫

戒闍黎請

頂門具眼腦後見腮救時而出正法而來生今及古

之徒總歸型範硬節擔板之漢咸受剪裁老大闍黎
卷漫開何如松之下竹之間石之上隨余拄杖而徘徊

雪上座請

饑飡渴飲閑坐困眠全無伎倆忘其自然有人問着
作何言但向道不念佛不打坐不參禪還信得及麼
蒼天蒼天

瑞上座請

三山老賊鬼神莫測掣電奔雷擒風捉月踏諸佛之
頂顛不以爲狂斷衆生之命根不以爲刻全身露而

非青非黃當體脫而無黑無白得得心不負人面無
慚色

影化主請

依松傍石體勢崔嵬坐水臨流心意潌洄聲祖道一
場痛快傷末法幾度悲哀拳頭巴掌響如雷還識這
漢麼腦後見腮莫與往來

正監院請

穿衣喫飯訶佛罵祖喝似雷奔捧如驟雨謂可親兮
平生不弄虛頭謂可聞兮從來不打口共覲面相逢
作麼生諸人須識主中主

蘊沙彌請

橫身是刀遍體成劍活人無窮殺人無厭當路鋏坑
臨機設整一分心悻一分慈這個是五雲老漢

瑞雲陳居士請

奇哉這漢古今罕見出語如鎗發言如箭十聖魂驚
三賢膽顛一任狂者譏躁者惱旁觀具眼者懽喜而
讚歎

存禪人請

我本不假爾胡覓真明明這是渺渺難尋一爐香一
盃水依稀彷彿與爾相對相親咄

松禪人請

三山老漢全沒帳算論佛法些子無聞施鉗鎚平空
扯淡諸佛鼻孔東擲西拋祖師眼睛穿作一串十字
街頭慣掣顛一條白棒旋風轉

垣監院請

松直棘曲鵠白烏玄無色兮非黑白之可較無形兮
豈曲直之能宣有縱有奪離正離偏常將惡水潑人
天丹心一片阿誰識問取曇華監院吾子紫垣

惺書記請

這個凍儂奇怪無比不會祖機不明佛旨有時呼馬

爲牛有時鞭竿作豕愧作大慧之遠孫慚爲慶忠之
真子惺書記應知委子曰參乎曾子曰唯

南浙二師塔銘 并序

南師南京六合王氏子祝髮於棲霞寺號融凡浙師
浙江山陰陳氏子祝髮於大善寺號定空二師於雲
水道上契誼相投誓爲畢生友遍歷名勝天啓癸亥
入蜀欲禮峩眉過墊之弔巖山偶慈菩薩頂上徐探
一窟陡徑石龕二師僅可容膝終日危坐忠墊僧俗
歸者如市因創寺額曰斷雪禪林本縣銓部匡山李
公同諸紳士爲之護法開堂接待四方雲集約幾千

人數年間二師之名震於遐邇概舉生平不私飯不衣絲不積一錢一帛不奉權貴而圖利養不務炫耀高博名高一味慈悲真實供衆如奉慈尊其大略也甲申後予從弔巖落髮二師會下兵擾各適東西予後叅本師鐵和尚二師如忠路南師於辛卯入滅忠之天壽山浙師負靈骨而遷徙數處及丙申予寓石寶浙師渡江而來予執弟子禮歎留數日浙師因受請入金剛山一到便指其頂曰此地可爲予兩人塔果數日而微疾遂終今上首立雪與孫衆等爲二師造合葬浮屠來梁屬予爲銘夫立雪弟子也予亦弟子也

弟子而不敢揚師之美者禮也但就二師之實略爲紀述俾後之禮師塔者知師爲如是云云爾

銘曰

稽首二師	古今模範	雲水相逢
肝腸不換	住則同住	行則同行
道誼締結	誓以畢生	合力叢林
弘開接待	真實慈悲	四來攸賴
不圖利養	不務聲名	如風偃草
二諦咸欽	報緣旣盡	雖有先後
誓共窳堵	如生如舊	嗟哉末法

撰述

三山來禪師語錄卷六

七

暮雨朝雲 交情莫問 誰同死生

我曾北面 皈禮二師 二師往矣

動我悲思 悠悠我心 托與斯銘

斯銘不朽 二師長存

四川向化侯養元譚公諱詣捐俸刻

三山來禪師語錄卷六

三山來禪師語錄卷七

書記普定編

五宗頌

臨濟小叅云我有時奪人不奪境我有時奪境不奪人
見縱奪機關麼君子之中庸也君子而時中 拈要

如何是奪人不奪境 答王孫一去芳草綠

頌奪人不奪境胭脂和紅粉大地與山河在在呈

圖影

如何是奪境不奪人 答洛陽春罷洞賓來

支那

三山來禪師語錄卷七

七

頌奪境不奪人把手夜溪行相逢不相識覲面沒
疎親

如何是入境兩俱奪 答漁翁夜宿三更晚

頌入境兩俱奪虛空那摸索無形金彈子落盡狝
霄鶴

如何是入境俱不奪 答牧童遙指杏花村

頌入境俱不奪脫灑灑脫脫脚踏峨眉舌頭談
五嶽

總頌縱奪臨機用不差電光影裡活如蛇睜眉擬
覲從中事十萬程途路轉賒

僧問臨濟如何是真佛真法真道濟云佛者心清淨
是法者心光明是道者處處無礙淨光是三卽一皆
空而無實如有真正道人念念心不間斷達磨大師
從西土來只是覓個不受人惑底人後遇二祖一言
便了始知從前虛用工夫山僧今日見處與佛祖無
別若第一句薦得堪與佛祖爲師第二句薦得堪與
人天爲師第三句薦得自救不了 別第一句薦得
半夜撞倒漆崑崙第二句薦得藕絲孔裡翻筋斗第
三句薦得三歲孩兒跛孳行
如何是第一句 答遠

頌第一句閉門打瞌睡未曾開眼時遊戲成三昧
如何是第二句 答近

頌第二句嬰兒剛有氣因地一聲來眼耳鼻舌具
如何是第三句 答差

頌第三句取火待鑽燧燎却面門毛到底成何濟
總頌一句二句三句始終覲面難遇直饒薦得分
明白日青天着魅

臨濟云大凡演唱宗乘一句語須具三玄門一玄門
須具三要有權有實有照有用汝等諸人作麼生會
拈那個是三玄三要句飛彈打黃龍眉毛遭鼠咬

如何是第一玄 答金剛半頭肩

頌第一玄烏龜飛上天單刺一隻脚踏着威音前
如何是第二玄 答空手把金鞭

頌第二玄騎馬上高竿噴地翻筋斗吊下一文錢
如何是第三玄 答虛空打鞦韆

頌第三玄圓圖沒中邊東洋飄大海架個無底船
如何是第一要 答頭頂烏紗帽

頌第一要寥廓空浩浩路斷烟水寒行人那得到
如何是第二要 答午夜金鷄叫

頌第二要妍媸一齊照縱橫妙用分秦鏡當臺耀

如何是第三要 答城市街頭鬧

頌第三要漫把朱絃操流水與高山彈出無生調
總頌三玄三要事如何擬涉思惟蹉過多揭諦揭
諦僧揭諦娑婆娑婆娑婆詞

臨濟一日問僧我有時一喝如金剛王寶劍有時一
喝如踞地獅子有時一喝如探竿影草有時一喝不
作一喝用汝作麼生會僧擬議濟便喝 拈當時這
僧便與一喝管教臨濟擬議不來

如何是金剛寶劍 答觸者皆喪

頌金剛寶劍無容思算直下揮時虛空血濺

如何是踞地獅子 答力重如山

頌踞地獅子觸着便起突出爪牙那容得你
如何是探竿影草 答神出鬼沒

頌探竿影草知醜知好張家哥哥李氏嫂嫂

如何是一喝不作一喝用 答思量不及

頌不作喝用顛拈倒弄擬問如何全然無縫

總頌四喝還如一喝同雷轟電掣跨神龍虧他臨
濟口門濶觸着機關處處通

臨濟示衆云叅學人切須仔細如賓主相見便有言
論往來或應物現形或全體作用或把機權喜怒或

現半身或乘獅子或駕象王有賓看主主看賓主看
主賓看賓者山僧所舉皆是辨魔揀異知其邪正
拈賓主相看就師資兩人而言賓中賓等就師資各
人而言祇如賓主不立又作麼生

如何是賓中賓 答客路作遊人

如何是賓中主 答反鞭策鈍駑

如何是主中賓 答暗室沒明燈

如何是主中主 答當軒塗去鼓

頌主中主紅日正當午寶劍高提時觸殺佛與祖

總頌賓主相逢事不同一番雨過一番風輕風細

雨頻頻度李白白兮桃白紅

臨濟示衆云我有時先照後用有時先用後照有時
照用同時有時照用不同時先照後用有人先用
後照有法在照用同時驅耕夫之牛奪饑人之食敲
骨取髓痛下針錐照用不同時有問有答立主立賓
合水和泥應機接物若是過量人向未舉以前撩起
便行猶較些子 拈云也不消得

如何是先照後用 答點燈喫飯

頌先照後用老龍出洞電卷雷奔魚鰕腦痛

如何是先用後照 答鑿壁偷光

頌先用後照敲翻破窰靈從何來速道速道

如何是照用同時 答無南無北

頌照用同時痛下針錐魂驚膽喪血染須彌

如何是照用不同時 答或東或西

照用不同伐鼓考鐘箕星好雨畢星好風

總頌照用施行有後先不同同處事難詮饒君舉

足奔千里影未窺時已着鞭

洞山接人有正偏五位君臣五位功勳五位王子五位四賓主內外紹等事以明向上一路 拈見麼有無不涉常回互無端嚼碎又成團

如何是正中偏 答夜半星河斗柄懸

頌正中偏沉沉古殿鎖蒼烟漏聲欲盡更初罷澹

澹蟾光映碧天

如何是偏中正 答天曉不見行人徑

頌偏中正滿天星斗雲攢鏡隨他萬象自森羅無

影光中含混沌

如何是正中來 答紅塵堆裡百花開

撰述

三山雜詩卷七

七

頌正中來木人踏破古蒼苔縱橫不礙平原澗
采蓮花信步開

如何是兼中至 答柳綠桃紅增佳致

頌兼中至妙用無方詮理事憂玉敲金韻冷然希
音透徹雲天際

如何是兼中到 答兩頭截斷通玄妙

頌兼中到及盡有無還大道撒手迴途不露踪歸
家拍掌呵呵笑

總頌五位正偏絕妙奇旁通回互露先機當頭不
犯寰中禁內外和融總不知

如何是君 答鳳閣龍樓儼至尊

頌獨鎮寰區凜聖顏九重端拱化無偏至尊自是
亡倫匹落落淡堦露日鮮

如何是臣 答文經武緯妙裁成

頌公卿白屋異常流豪氣三千射斗牛不為功名
矜釋褐了知才幹駕千秋

如何是臣向君 答一片葵心捧聖明

頌瀝膽披肝事莫窮夢魂常自誓孤忠勳華豈獨
誇鴻烈為美傾誠對九重

如何是君視臣 答出獵曾經渭水濱

支那

三山雜詩卷七

七

頌相卜何因到傳巖龍車御處野雲開鹽梅爲借
調羹手不負從前夢一回

如何是君臣道合 答風雲聚會處千古慶明良

頌盛德鴻猷壯帝畿泰交此日慶都俞欲知一德
咸孚處妙用無方絕顯微

總頌霧鎖巖廊瑞色開堂簾喜起共徘徊千秋大
業歸無住漫把勲名仔細裁

如何是向 答凝眸長不瞬爭肯抱頭眠

頌着眼凝睛未是親中懷繾綣自殷勤回頭不謂
雲煙杳肯負依依一片心

如何是奉 答赤心常捧日雲水自依山

頌掩着柴扉閉着關拋筇可是畏峰巉山翁此日
何思算漫煮黃蘗但酌泉

如何是功 答不須閑氣力撒手到凌煙

頌平生辛苦有誰知喫盡寒酸未足奇及至承當
無個事得來依舊笑當時

如何是共功 答生殺同條出春秋總不知

頌天高地厚勢難窮就裡誰分造化工自是鈞陶
益大治行生總在不言中

如何是功功 答帝力云何有謳歌忘太平

頌底定河山數十秋
弓拋劍掛自優游
皇風帝德知何處
社飲村歌樂未休

總頌五位功勳知不知
有功恰到無功時
一條布袋都囊却
笑倒長街老古錐

如何是誕生王子
答前星光宇宙貴胤自天然

頌生來尊貴號儲君
位正中宮沒比倫
玉葉金枝非別種
轉身猶自出王庭

如何是朝生王子
答才猷堪贊化酬勳
不住功

頌潛心養志在溪山
學邁才超不等閑
大用一朝來帝眷
承顏豈獨侍朝班

如何是末生王子
答清白非爲苦堅貞
節不移

頌落落孤貞清且貧
肯將毫末惹埃塵
登科不懈平生志
始信雲衢展步輕

如何是化生王子
答威揚宣正令
中外化親傳

頌不動巍巍仰聖明
傳持閭外賴將軍
太平底定無多事
妙印高懸不露天

如何是內生王子
答入宮無異體
對面不相逢

頌無作無爲渾似癡
功勳不犯醉如泥
而今已出青霄外
紫禁重闈那得知

總頌同生同死絕疎親
名貌何分是幾人
踏破來

時多少路都盧共到法王城

如何是主中賓 答我無你不成

頌主中賓長江玉浪生不因風皺面如何得成紋

如何是賓中主 答你無我不得

頌賓中主是子還歸母爲問呱呱兒來自甚麼處

如何是賓中賓 答月色冷風聲

頌賓中賓渾身都是塵烏能明大用怪殺野狐精

如何是主中主 答渾淪不須補

頌主中主不聞亦不覩兒孫向後看誰是爾宗祖

總頌賓中主也主中賓賓賓主主不相倫會得主

賓混融處不萌枝上辨秋春

如何是內紹 答深宮無敵體妙用解承當

頌天然尊貴異常流寶位傳持事未休不是人王

無別種那能物物與頭頭

如何是外紹 答風塵無異路曉夜據征鞍

頌剎剎塵塵事不差拂開烟霧與晴霞見得分明

無異路何妨盡摘洛陽花

洞山謂曹山曰吾在雲巖先師處親印寶鏡三昧事

窮的要今以授汝汝善護持毋令斷絕遇真法器方

可傳授直須秘密不可影露恐屬流布喪滅吾宗末

法時代人多乾慧若要辨驗向上人之真偽有三種
滲漏當機切須具眼 拈出此三種又作麼生

第一見滲漏 拈放下着

頌山重重復水重重萬水千山一目中若道水山
常在日行人依舊路濛濛

第二情滲漏 拈活潑些好

頌擔板從來見一邊何如到處眼雙圓滿腔繫戀
還須吐一落思量便不堪

第三語滲漏 拈道底甚麼

頌有言須是悟無言開口成雙落二三况復游揚

述妙義堪悲堪笑口頭禪

曹山云凡見聖解是金鎖玄路直須回互去夫取正
命食者須具三種墮一者披毛戴角二者不斷聲色
三者不受食稠布衲問披毛戴角是甚麼墮山云是
類墮不斷聲色是甚麼墮山云是隨墮不受食是甚
麼墮山云是尊貴墮 拈拈如不墮三種看來正好
喫棒

如何是類墮 答雖行畜生行不得畜生報

頌披毛戴角瀟灑得過一入荒丘尋他不着

如何是隨墮 答見色非干色聞聲不是聲

頌見色聞聲終不是塵鶯啼綠樹別有知音
如何是尊貴墮 答不裝珍御服來着破籃衫

頌禮絕百僚非是尊高無人侍立常自逍遙

南陽忠國師作圓相九十六種以授侍者耽源源承
識記傳於仰山山既得遂焚之源一日問仰曰向所
傳圓相宜深秘之山云焚却了也源曰在子即得來
者何如仰乃重錄呈似一無差失 拈失也失也

頌國師父子太無因識記傳來直到今畫得圈圈
九十六青天白日換人睛

仰山親於耽源處受九十六種圓相後於瀉山處因

○此相頓悟有語云諸佛密印豈容言乎又云我於
耽源處得體瀉山處得用謂之父子投機故有圓相
辯的於人或畫⊕此相或畫⊕此相或畫⊕此相或
畫⊕此相或畫⊕此相或點破或劃破或擲却或抹
却皆是截斷眾流也 拈如許絡索是甚麼弄糊孫
家具雖然如是也要大家知委

頌觀面相呈事最奇隨宜縱奪在臨機一輪明月
輝霄漢照破河山影畫眉

仰山因五冠了悟禪師相與立玄問玄答故畫○此
相○此相⊕此相⊕此相⊕此相⊕此相都在臨機應用若

是靈利底對面分付擬之則不見也 拈不見更妙
頌一人拈起一人圓兩兩相將各一邊識得兩邊
符合處收來依舊自團圓

一日梵僧來參仰山於地畫○此相僧近前添作○
此相復以脚抹却山展兩手僧拂袖便出 拈仰山
鈎頭着餌梵僧一釣便上易曰鳴鶴在陰其子和之
我有好爵吾與爾靡之其仰山梵僧之謂與

頌好幅畫圖不屬紙墨仰山梵僧多生枝節展手
兮無言無言拂袖也難說難說賊賊據款結案放
伊不得

仰山設九十六種圓相開爲百二十合爲九十六共
一十九門設施圓收在於六門一圓相○二義海○
三味機○四多字學○五意語慮六默論翁⊗ 拈
種種圓相雖是多門設施不過師資辨驗臨機拈出
毋論是生是佛情與無情那能越得圈子去莫道九
十六個卽百千萬億刹刹塵塵種種變現無過一個
包羅得其意者但識其序勿執其本底幾用而無礙
可也咄莫尿沸

頌祇個從中辨假真一門關起許多門門門施設
誠何事貴在臨機妙用親

雲門示衆云函蓋乾坤目機銖兩不涉萬緣作麼生
承當衆無語自代云一鏃破三關後德山圓明密禪
師遂離其語爲三句函蓋乾坤句截斷衆流句隨波
逐浪句審嗣雲門

函蓋乾坤句 拈總在裡許

頌函蓋乾坤事莫窮頭頭物露真風頂門亞豎
摩醯眼萬象森羅一鏡中

截斷衆流句 拈不通一滴

頌截斷衆流意若何算來一字已成多推排解會
徒勞力肯把要津放得過

隨波逐浪句 拈一葉扁舟

頌隨波逐浪過前川綠笠青蓑把釣閑一曲漁歌
江際晚高低棹破水中天

雲門宗八要

一玄 拈燈籠騎露柱

頌幾度乘風泛小舸彩雲影裡漫撐篙舉網撒破
虛空面又向山頭釣巨鰲

二從 拈柳絮隨風

頌桃紅李白鬪芳妍一夜東風色更鮮滑蝶狂蜂
何處去慣尋香氣到花前

三真要 拈六月日頭到處熱

頌脚底茫茫路轉賒
東西南北盡天涯
風塵踏遍無閑思
畢竟回頭始是家

四奪 拈不遇無情霹靂手
掃蕩烟塵將屬誰

頌拓土開疆也大難
幾回血汗染征衫
可憐三尺魚腸劍
漫假雄才手靖邊

五或 拈我到這裡却不曾

頌習習香風過樹頭
去來何處覓踪由
行人無數空惆悵
幾度尋思恨未休

六過 拈一分心悸一分慈

頌狠毒心腸何太孤
提刀仗劍忍於屠
命根斷處難思算
幾個男兒是丈夫

七喪 拈貪觀眼前浪失却手中橈

頌弱喪窮兒實可哀
家珍拋却自何來
可憐別去娘生面
落落長途喚不回

八出 拈天上人間自在飛

頌鳥道全腸路太多
脚頭脚底任蹉跎
隨他曲折芒鞋滑
步步如龍疇奈何

雲門三種病 動止因三種偏
拈着二邊

一未到走作 拈你恁麼驢年去

頌東去西來無了日南奔北走到何年紅塵擾擾
忘歸路夢斷家山實可憐

二已到住着 拈密移一步未為分外

頌長安雖樂實難居到處優游任卷舒若教閉門

高枕臥養成痼疾倩誰除

三透脫無依 拈恁麼不恁麼始得

頌不入塵牢不受纏拋枷打鎖許多年誰知作個

長流客蕩蕩無依去不還

雲門二種光不透脫 疑情猶未盡回首到家遲

一切處不明面前有一物是一 拈瞎

頌白雲朵朵翳雙睛一線青天也是塵撥盡黃金

知何日不愁寂寞不愁貧

透得一切法空隱隱地似有個物相似亦是光不透

脫 拈放下着

頌夢破方知一物無法塵盡處亦何孤誰知暗裡

相逢處依舊從前障眼珠

雲門一字關

僧問雲門如何是雲門劍門云祖 如此之類凡有所問但以一宇酬之

拈雲門恁麼道謂是齒不關風謂是舌頭太短有

人透得此關許他親見雲門

頌一字關一字關何不成雙獨成單單一字誠
難測一字誠難測也難難難目前隔個須彌山

抽顧

雲門見僧來每以目顧之卽曰鑒或曰咦而錄者曰
顧鑑咦後德山密刪去顧字但曰鑒咦叢林目之爲
抽顧 拈非父不生其子

頌雲門鑑咦德山抽顧方便機關父作子述擾擾
叢林卒不休而今猶在欣相慕

法眼依地藏決策一日呈見解說道理藏曰佛法不
恁麼眼云某甲辭窮理盡也藏曰若論佛法云云眼

於言下大悟後因行腳話不知最親切始悟徹作偈
曰三界唯心萬法唯識唯識唯心眼聲耳色不到耳
聲眼觸何色耳聲難成眼色何立色心不二彼此無
差有人會得騰煥吾家乃立華嚴六相義 拈不是
一番寒徹骨爭得梅花噴鼻香



此乃華嚴六相義舉一齊收於一一法
中有此六義經中蓋爲初地菩薩說也

拈六相卽不無還出得○這個麼

頌桃李枝頭色色新紅如胭抹白如銀雖然笑破
東風面都是園林一樣春

法眼六相義頌

華嚴六相義同中還有異異若異於同全非諸佛意
諸佛意總別何曾有同異男子身中入定時女子身
中不留意不留意絕名字萬象明明無理事拈恁
麼道未免裂破舌頭

頌六相由來義不同不同同處妙相通同中有異

同無異兩岍蓉花映水紅

法眼宗四機

箭鋒相拄 拈不是好手

頌兩陣交鋒莫可當彎弓架矢豈尋常箭頭的

相逢處脫却征衣笑一場

泯絕有無 拈猶有這個在

頌大用臨機不可窺卷舒出沒妙相隨更無面目

教人見誰向虛空強畫眉

就身拈出 拈直恐弄巧成拙

頌自從闢破祖師關掣電轟雷任往還不識當機

拈弄處低頭已隔萬重山

隨流得妙 拈未敢相許

頌祖意明明百草頭相逢到處逞風流隨家待客

隨豐儉把筯拈匙一笑休

根進
頌甚麼物與麼來退叅八載絕疑猜說似一物卽
不中平生心事總成灰閑遊戲漫徘徊君不見掛
瓢洗耳烟霞客懶臥白雲夢一堆

南嶽第二世

江西馬祖道一禪師漢州什邡人姓馬氏幼歲出家
開元中習定衡嶽遇讓和尚問云大德坐禪圖甚麼
師云圖作佛讓將磚一片於彼菴前石上磨師云磨
作甚麼讓云磨作鏡師云磨磚豈得成鏡耶讓云磨
磚旣不成鏡坐禪豈得成佛師問如何卽是讓云如
牛駕車車若不行打車卽是打牛卽是師無對讓云

汝學坐禪爲學作佛若學坐禪禪非坐臥若學作佛
佛非定相於無住法不應取捨汝學作佛卽是殺佛
若執坐相非達其理師聞開示如飲醍醐乃受心印
開法南康龔公山僧問和尚爲甚麼說卽心卽佛師
云爲止小兒啼僧云啼止時如何師云非心非佛僧
云除此二種人來如何指示師云向伊道不是物其
化盛行江西

頌磨磚作鏡鏡難成坐禪作佛亦無因打牛打車
分明處婆心展轉說向人不是心不是佛除此二
種人來時向伊更道不是物咄江西馬祖肝腸毒

南嶽第三世

洪州百丈懷海禪師福州長樂人王氏子卯歲出家
三學該練及叅馬祖為侍者偶侍祖行次見野鴨飛
過祖云是甚麼師云野鴨子祖云甚處去也師云飛
過去也祖扭師鼻師負痛失聲祖云又道飛過去也
師有省一日再叅祖震威一喝師三日耳聾後黃檗
聞舉不覺吐舌

頌手頭毒口門寬馬師大用忒無端鼻頭痛耳門
穿舌頭吐處受瞞肝受瞞肝一派淵流雪屈難

南嶽第四世

洪州黃檗希運禪師閩中人幼歲出家至京洛行乞
吟添鉢聲一嫗出扉問曰太無厭生師云汝猶未施
責我無厭何耶嫗笑而掩扉師異之後往南昌見馬
祖祖已示寂時百丈為祖廬墓師見丈丈舉耳聾話
師吐舌丈云汝嗣馬祖去師云某來叅馬祖不料無
緣因和尙斯舉得見馬祖大機大用若嗣馬祖恐以
後喪我兒孫及開法上堂眾纔集師名云大眾眾回
首師云月似彎弓少雨多風

頌施我飯太無厭一笑掩扉空靚面因此發足過
嶺南悟徹大機開兩片兩片皮開迥不同看他新

月似彎弓彎彎新月如弓樣召大衆云見麼少雨
多風

南嶽第五世

鎮州臨濟義玄禪師曹州南華人姓邢氏落髮進具
志慕禪宗初叅黃檗三度問佛法的的大意三度被
打及到大愚處悟徹於大愚脇下築三拳復轉黃檗
打黃檗一掌後臨滹沱河側開堂建立黃檗宗旨號
臨濟宗

頌六十痛棒打不休老婆心切惹冤讐還拳奉掌
承誰力萬古留來作話頭

南嶽第六世

魏府興化存獎禪師初在臨濟爲侍者因訊洛浦來
叅機緣兩遭濟打及到三聖處爲首座聖問師師便
喝聖云須是你始得復到大覺處爲院主覺問師師
便喝覺便打師又喝覺又打次日覺又問師師亦喝
覺亦打師再喝覺再打至脫下衲衣痛與一頓處直
下薦得臨濟在黃檗契棒底道理迨後開堂拈香云
這瓣香本爲三聖師兄三聖於我太孤本爲大覺師
兄大覺於我太賒不如供養臨濟先師

頌一個賒一個孤臨濟先師受也無不如不供亦

無事說向人前豈丈夫

南嶽第七世

汝州南院慧顛禪師得法於興化獎開堂後有僧來
叅云敗也師引杖向其前僧無語師便打數棒

頌引杖向前奪來恰好何故無語被伊打倒可憐
這漢喫藤條敗也之言曷慎於蚤

南嶽第八世

汝州風穴延沼禪師餘杭劉氏子叅南院於棒下無
生忍話大徹玄旨開化風穴僧問如何是佛師云杖
林山下竹筋鞭

頌從來得意要忘言得意忘言仔細看問到如何

云是佛杖林山下竹筋鞭

南嶽第九世

汝州首山省念禪師萊州狄氏子叅風穴得承子印
一日拈竹篋示衆云喚作竹篋則觸不喚作竹篋則
背不觸不背汝諸人喚作甚麼

頌觸背關頭鎖口問衲僧到此莫思量渾身放下
都忘也拍掌呵呵笑一場

南嶽第十世

汾州太子院善昭禪師太原俞氏子幼有大智一切

撰述

三山禪師語錄卷一

四

支那

三山禪師語錄卷一

五

文字不由師訓自然通曉剃髮遊方遍叅諸宿七十
一人最後見首山問百丈捲席意旨言下大悟拜而
起云萬古碧潭空界月再三撈攬始應知

頌野鶴孤雲度遠山風霜踏盡腳頭寒碧潭月影
空惆悵鸞殺從前下手難

南嶽第十一世

潭州石霜楚圓慈明禪師全州清湘李氏子少爲書
生年念二得度母賢遣之遊方聞汾陽道望冒險往
來依住二載未許入室一夕訴曰自至法席不蒙指
示歲月飄忽已事不明失出家之利陽熟視罵詈舉

杖逐之師擬伸救陽以手掩其口師大悟嘆曰始知
臨濟道出常情

頌霜眠露宿到汾陽詬罵無端沒下場不是杖頭
開正眼那知祖道出尋常

南嶽第十二世

袁州楊岐方會禪師宜春冷氏子久依慈明未有省
發每咨請明云庫司事繁且去他日又問明云監寺
異時兒孫滿天下在何用忙爲明適出師偵之小徑
旣見搗住云老漢今日須與我說不說打你去明云
監寺知是般事便休語未卒師大悟卽拜於泥途開

法楊岐僧問少林面壁意旨如何師云西天人不會唐言

頌面壁胡僧瞌睡多道他不會唐言麼含冤滿口無雪處賴有楊岐好大哥好大哥狹路相逢事若何不因磕破泥塗腦那得人前唱哩囉

南嶽第十三世

舒州白雲守端禪師衡陽葛氏子依茶陵郁披荆往叅楊岐岐問受業師爲誰師云茶陵郁和尚岐云聞伊過橋遭仆有偈能記否師舉云我有明珠一顆久被塵勞關鎖今朝塵盡光生照破山河萬朵岐笑而

趨起師愕然通夕不寐黎明諮詢之岐云汝見昨日打毆讎者麼師云見岐云汝一籌不及渠師愈駭然云何謂也岐云渠愛人笑汝怕人笑師大悟

頌愛人笑怕人笑雙頭一臉鏡中照照得分明仔細看平空射落猓霄鶴

南嶽第十四世

蘄州五祖法演禪師綿州鄧氏子年三十五始祝髮徧叅名宿因浮山指見白雲問南泉摩尼珠話雲叱之師領悟獻投機偈後開堂僧問如何是佛師云口是禍門

頌若遠若近若親若疎黃瓜茄子刀豆葫蘆口是禍門會也無

南嶽第十五世

成都昭覺克勤佛果禪師彭州駱氏子兒時日記千言見佛書如獲舊物出家首謁玉泉皓次依金鑾信大瀉詰黃龍心東林度僉指爲法器而晦堂稱他日臨濟一派屬子矣最後見五祖盡其機用祖皆不諾師忿然而去到金山染寒困極試以平日見處無得力者乃轉依五祖令入侍寮問舉提刑小艷詩話祖云他祇認得聲師云他既認得聲爲甚麼却不是祖

云如何是祖師西來意庭前栢樹子聲師忽有省出門見鷄飛上闌干鼓翅而鳴復自謂云此豈不是聲遂袖香入室通其所得祖云佛祖大事非小根劣器所能造詣吾助汝喜由此所至推爲上首

頌一度經霜一度寒鹹酸喫盡許誰謾一聲喚醒艱難夢徹骨傷心淚不乾

南嶽第十六世

臨安徑山大慧宗杲普覺禪師宣城奚氏子年十六出家十七落髮十九遊方初叅曹洞諸宿繼謁湛堂後叅圓悟聞薰風自南來殿角生微涼語省豁悟每

三國志詩卷八
撰述
舉有句無句話問之師擬開口悟便云不是一日師
問悟云聞和尚曾問五祖師翁來不知道個甚麼悟
笑而不答師云當時想是對衆問今日說亦何妨悟
云我問有句無句如藤倚樹意旨如何祖云描也描
不成畫也畫不就又問樹倒藤枯時如何祖云相隨
來也師當下釋然悟云始知我不汝欺也遂著臨濟
正宗記付之

頌薰風自南來殿角生微涼雖省豁未相當相隨
來也笑一場無端寐語傳流處累及兒孫作禍殃

南嶽第十七世

福州西禪鼎需懶庵禪師郡之林氏子幼舉進士偶
看遺教經嘆曰幾爲儒冠所誤欲去家母以親迎難
之師絕之以偈云天桃紅杏一時分付春風翠竹黃
花此去永爲道伴竟依保壽禪師徧叅名宿後依大
慧慧問內不放出外不放入正恁麼時如何師擬開
口慧拈竹篋連打三下師於此大悟厲聲云和尚已
多了也慧又打師禮拜慧印以偈一日上堂云懶翁
懶中懶最懶懶說禪亦不重自己亦不重先賢又誰
管你地又誰管你天物外翛然無個事日上三竿猶
更眠

頌內不出外不入泥牛木馬抱頭泣竹篋連連不
放休失却驪珠當下拾懶庵懶懶庵懶地不管今
天不管最懶說禪却說禪打破鉢盂又討盃

南嶽第十八世

福州鼓山水庵安永禪師閩縣吳氏子弱冠爲僧謁
懶庵於雲門懶問不問有言不問無言世尊良久不
得向世尊良久處會隨後便喝師倏然契悟作禮云
不因今日問爭喪目前機懶許之上堂拈拄杖云臨
濟小厮兒未曾當頭道着今日全身放憨也要諸人
知有擲拄杖下座

頌有言無言良久處問得分明答得差全身放下
較些子撥盡黃金眼裡沙

南嶽第十九世

杭州淨慈晦翁悟明禪師上堂舉夾山會下一僧到
高亭纔禮拜亭便打僧云特來禮拜亭亦打又拜亭
又打趁出僧回舉似夾山山云會麼僧云不會山云
賴汝不會汝若會卽夾山口啞去應庵拈云高亭一
期忍俊不禁爭奈拄杖放行太速這僧當時若是個
漢莫道高亭夾山便是達磨大師出來也斬爲三段
何故家肥生孝子國伯有謀臣師云高亭夾山門庭

施設各得其宜但中間一人略較些子應庵與麼道
也是鞏縣茶瓶師纂修聯燈會要

頌一曲無絃局調新輕輕撥動不相倫弄潮須是

吳江客別語還他漢地人

南嶽第二十世

太原苦口良益禪師叅淨慈慈問近離甚處師云瑞
光慈云正與麼時光在甚處師便喝慈云且止汝道
百湖水淡多少師擬議慈便打趁出久之契悟作偈
曰臨機一句不露絲頭吹毛纔展大地全收慈云從
上心印汝今得之宜處溪谷俟時行化

頌不露絲頭意若何吹毛展處任摩挲得來心印
無差互猶是西湖水裡波

南嶽第二十一世

汾州筏渡普慈禪師初叅徑山端高峰妙各有契處
後北還過燕遊五臺禮文殊感大士放光居臺二年
入太原叅益和尚益云發足甚處師云五臺益云文
殊與汝說甚麼師云脚下草鞋唱成一百文益云脚
跟爲甚麼不落地師云且喜老漢見得親切益云老
僧罪過師喝一喝而出自此常造室中久之益囑云
汝緣當在本處他後設大法藥宜號筏渡師禮謝歸

汾州

頌唱出草鞋價甚高
脚跟底下不相饒
針針刺骨
針針痛一喝從茲恨未消

南嶽第二十二世

洛京相國一言道顯禪師
爲門人生而岐嶷穎悟英
特年十二自願出家
父母難之師云兒志決矣未可
強留遂落髮於郡之西山
聽講圓覺至知幻卽離章
頓然默契恍若舊識
乃辭師遊汾州謁筏渡渡一見
器之命入侍寮一日渡舉竹篋問云
畢竟喚作甚麼
師方進語渡鸞頭便打忽然大悟
禮拜云和尚且止

古人道佛法無多子非虛語也
渡云汝今方知吾意
耶師云和尚大恩碎身難報
渡囑云汝年且幼時至
理彰師執勞座下一十七載

頌十七年前事可憐
當頭白棒恨彌天
雖然佛法
無多子爭奈捐軀報也難

南嶽第二十三世

西京小庵行密禪師
初以白衣禮相國顯和尚
凡見便禮拜顯一日謂云
道人禮拜且止佛法在甚處
師方舉首忽聞板聲鳴
顯云只這是師從此有入
遂求度顯云汝誠精進
宜名行密方叅三年顯舉馬祖三

不是語未絕師云畢竟如何顯笑云已多了也師於
言下得大安樂顯云佛法下衰正宜潛隱母拘城隍
得安身處最爲佳耳

頌板聲震處羈縲開座下三年夢未回不因馬師
三不是何緣笑裡悟將來

南嶽第二十四世

二仰圓欽禪師禾之秀水人遍叅諸方毫無所契入
西京謁小庵密於旅舍密問浙中有個伶俐人汝還
見麼師云圓欽鈍漢密云我要個鈍漢作監收汝還
知麼師罔措密云數千里來可惜錯過師相依扣叅

一日見鼠從架上過撲翻油瓮忽爾頓契走見密云
某已捉得了也密擲住云道道師云一粒鼠糞污却
鍋羹密云瞎漢叅堂去

頌鈍漢監收費苦辛撲翻油甕惹埃塵汚羹鼠糞
休嫌少一粒從來膩殺人

南嶽第二十五世

壽州無念智有禪師蜀之漢州人發足南方遊四明
登天目後叅二仰欽欽云行脚甚處師云南方欽云
彼中佛法如何師云山川無異欽云我手何似佛手
師良久欽云莫道無異好後看興化打維那機緣始

浩然大徹作偈云興化打維那平地遭殃禍昨夜南山雲飛向北山朶欽見爲之助喜云不辜到此嘉靖初迤邐壽州十有二年

頌踏遍山川也大難忽然悟徹太無端南山雲向北山朶羸得風光不費錢

南嶽第二十六世

荆山懷寶禪師渚宮人遊壽州謁無念有云躡縣遊州畢竟爲着何事師云生死大事求師拔度有云汝是荆州人麼師云是有云闍黎卽今在甚麼處師擬對有云若便恁麼猶較些子佛法不是商量叅堂

去師潛心座下一日有喚云闍黎師應諾有云在甚麼處師於言下領旨乃云和尚大慈真人師也有滅後師於嘉靖七年以法付鐵牛隱終南山

頌不落商量猶較遲頻將片語下針錐一呼一諾無他事正是闍黎領悟時

南嶽第二十七世

秦嶺鐵牛德遠禪師得心印於荆山庵居秦嶺常披一紅布袴一日頂笠揮鋤地中月明聯池過之池見云這漢好似一頭軍師云看箭池作躲箭勢師近前攜手至庵畱住三月謂云我乃大慧之裔在此待人

數十年矣汝今既來當爲我求人光揚祖道付偈云
就身能打劫劈善善奪窩三玄從此出三要不爲多
探竿影草主賓分獅子迷踪奈我何

頌頂笠揮鋤掘地時身披紅袴樹軍旗千鈞弩發
功成也接得朝陽振祖機

南嶽第二十八世

敘州朝陽月明聯池禪師本郡范司馬之後幼居林
下有僧過訪不遇題聯於壁師見厭世祝髮杖笠南
遊過洛伽道逢一僧偉儀殊相師前行失腳念佛一
聲僧云此敲門瓦子何不拋却師云拋却後如何僧

云葉落歸根來時無口師有省後於秦嶺受印鐵牛
返敘州居朱提山朝陽洞聚雲來叅師問云如何是
古佛心雲拱手云請和尚尊重師問不用音聲與色
身將何喚作本來人雲默然師休去

頌如何古佛心拱手請尊重不用色與聲本來全
無縫是一個是兩個道得分明也話墮

南嶽第二十九世

忠州聚雲吹萬廣真禪師敘州宜賓人姓李氏父祖
三世爲婆羅門師生日有八僧臨舍一僧記曰此子
乃八寶羅漢應真也母卽厭腥食素三年離乳十五

偶在牕下觀菊語同學云此花今歲凋謝明春復生
人生一去不來讀書寧免生死竟往登少峨叅浩翁
久之返里得大慧錄朝暮體究遇一僧見訪問如何
是佛師擬對僧云不是師復進語僧云不是彼此一
割塵念如灰屆午值僧磨剃刀師急問如何是佛僧
云我今日磨剃刀不能爲汝說且待別時來師以白
衣叅朝陽多載於萬曆癸丑乃落髮受具一日陽謂
師云汝有一句未會在師問那一句陽云不用音聲
色身默然良久與我現出真空來師拂袖便出自思
此事不可草草此中必有玄要辭往別山苦叅三年

經行危坐脇不至蓆眼滿復見朝陽問云畢竟如何
現出陽引師手掩其口豁然大悟囑後涉海入吳穿
閩過粵於瀟湘湖東開法解制還蜀闡化聚雲出世
三十年五坐道場語錄二十卷廣錄五十卷先是法
孫水部熊月崖居士鋟梓崇禎己卯七月晦日索筆
書偈云朝打三千暮打八百要見聚雲眉毛出血危
坐至午大喝兩聲而逝闍維烟至松蘿結爲五彩荷
香襲人起骨得黃金鎖子三莖門齒化爲紫色五色
舍利三百餘顆平都地藏院迎十二顆建塔餘皆塔
於本寺三目山之陽

頌大冶精金色異常千鎚百鍊逆星光團成一柄
金剛劍照耀人天迥不藏

南嶽第三十世

忠州治平慶忠鐵壁慧機禪師營山羅氏子家世業
儒滿門科第師生而貌偉器骨不凡八歲父見背卽
隨母持齋稍長厭俗有元白道者辟穀邑之大鵬山
師往來叩問玄理決志出家兄母留之於天啓壬戌
二月潛遁大竹築室掩關每日食米二握五味俱斷
者三年室中屢曠異相師懷疑出關欲追元白而終
南路阻師乃薙髮雲遊叅見聚雲雲問奚往師具實

以白雲笑云子真昧於尋師者師依住滿夏一日雲
出方丈師跪泣於前求雲開示雲笑而不答師謂遇
至人而無緣得授不如捐軀赴水以待來生有諭以
從講肆遊師聽畢復來相依後雲入金陵師隨之聞
天童道望欲暫辭而往雲云去亦且從但恐錯過老
僧宗旨師復侍雲歸蜀雲命總院事一朝念誦畢登
塌一踢渾身骨碎大笑不止拈偈呈雲雲不之印又
力究三年忽爾大徹入室密以啓雲雲云汝今日纔
會老僧意那師云和尚大慈爲人徹底雲滅後師爲
廬墓四衆堅請開法平都地藏院十坐道場語錄二

十卷僧問如何是正法眼藏師云烏龜開夜市

頌烏龜開市買賣當行輕重美惡貴賤短長明明

正法眼誰許亂商量漫商量趙甲哥哥錢乙郎

聚雲二目慧芝禪師忠州劉氏子自幼出家博通教
典久叅聚雲得法後六坐道場語錄八卷刊行於世
滅度嗣法者兩處建塔有講主來叅問離名絕相以
何爲師師云螻蛄眼裡推石輓主云學人不會師云
螻蛄腔中好泛船

頌螻蛄眼裡推石輓螻蛄腔中好泛船絕相離名
人不識從來師法古今傳

鐵眉三巴掌慧麗禪師北直趙州栢鄉人中歲出家
專修苦行人蜀禮峩眉過忠叅見聚雲雲一見便曰
我家人來了師淡達玄理每於三伏躲身曬日遍體
如水人怪而問之師云曬曬日頭使莫生蟲時機和
尚爲雲首座謂師云你何不走上正路來師始叅萬
法歸一有省繼從聚雲三巴掌悟徹自號三巴掌和
尚受雲囑開堂四次說法如流惜師目不識丁語多
遺逸僅刊存錄一卷上堂云日月照臨不到天地覆
載不着腳頭底下問長安直捷便是逍遙路南山高
北山低日出東來又轉西昨夜霜風露消息吹落林

花三五枝示寂塔於湖廣施州衛三渡屯熊耳山
頌渾淪個裡沒高低三三兩兩話不齊剛到轉身
行一路忽聞高樹老猿啼

四川向化侯養元譚公諱詣捐俸刊

三山來禪師語錄卷八

自敘

余已丑叅學聖佛時偕二三知友閒拈古人機緣着
頌百則進呈慶忠本師本師叱曰用絡索作麼余唯
唯而退越明年庚寅住楚之九峰休夏無事因西脉
學人等請益復拈頌百則共前二百則止存其藁十
數年來將爲蠹魚窟宅未肯輒以示人大都頌古一
途從上古錐沿爲蹊徑其行世流傳者皆出宗匠名
家一字一句堪爲後進輩抽釘拔楔余何人斯敢妄
附先踪擅爲遺臭奈諸及門殷勤三請不獲已乃出
藁以菑棗梨噫過矣來上座學淺才疎鮮所聞見一

知半解臆鑿古人之高淡是猶以管窺天而蠡測海也博大觀之鄙笑買明眼之譏彈有由然矣知我罪我余何辭焉恁麼告報設有個旁不肖底出來道這老漢是甚麼心行三十棒且教誰喫

昔

康熙丁未初夏磐山道人三山燈來題於曇華方丈

三山來禪師語錄卷九

頌古目錄

世尊初生

世尊陞座

達磨不識

馬祖一喝

五祖秤錘

藥山刀響

道吾作拜

三聖金鱗

米胡肯仰

百丈上堂

馬祖西江

趙州却活

黃檗啗酒

法眼指簾

石鞏張弓

曹山不如

無爲豎拂

玄沙親傳

天龍一指

巖頭起滅

趙州四門

青原米價

善道拈杖

南泉賣身

撰述

三山禪師語錄卷九

支那

三山禪師語錄卷九

栢巖車馬 歸宗禪學 九峰龜毛

仰山雪獅 法眼承嗣 梁山無相

風穴青蓮 麻谷閉門 雲門須彌

雪峰拈杖 首山新婦 鹽官犀牛

雲門燈籠 慈明作字 世尊良久

仰山插鋏 五祖著論 黃連聲前

趙州勘婆 藥山石上 文殊玻璃

曹山死猫 白雲溪 馬師日面

目畢

三山來禪師語錄卷九

書記普定編

頌古 着拈

舉世尊初生 禍胎出也 一手指天一手指地周行七步目

顧四方云天上天下唯吾獨尊 面皮厚多少 雲門偃云我

當時若見一棒打殺與狗子喫貴圖天下太平 是甚麼心

行 拈云千古含冤一朝雪恨都是事出無端未免

遭人檢點若檢點得出許你有知恩分

貴出天然迥異常堂堂氣宇儼如王誰知更落英
雄手掃盡烟塵定八荒

舉世尊陞座

作麼作麼

文殊白槌云諦觀法王法法王法

如是

尊盤不錯

世尊便下座

好不慚惶

拈云世尊無風起浪

文殊白日枯睛至今依例攀條底總未識機關在

曲叅牀頭夢未開一聲槌響喚將回風流無限都

拋却盡把情思當下灰

舉梁武帝問達磨如何是聖諦第一義

向上些問來

磨云

廓然無聖

劈腹剗心

帝云對朕者誰

疑過了也

磨云不識

帝不契

蒼天蒼天

遂渡江到少林而壁九年

一場特地

拈云鐵犄狽無容下口頑石頭未免懷疑話不投機別

圖方便且置大小祖師一經頓挫莫道冷坐九年直

至而今無轉身吐氣分

邀得春風入畫樓銀牀更罷悶悠悠曉來依舊東

牕下滿目青山總是愁

舉百丈一日再叅馬祖馬祖一喝

潑油救火

百丈三日耳

聾

雪上加霜

黃檗聞舉不覺吐舌

耳裡着不得水

拈云三俱不

了且作麼生喝一喝

歷歷長征強據鞍朔風吹動骨毛寒窮途落寞情

多少幾度行人淚不乾

舉僧問五祖戒如何是佛

問阿誰

祖云踏着秤錘硬似

鐵

下脚時一場懺羅

拈云多虛不如少實

支那

三山集詩話卷九

二

尋芳有意入林幽賺得香魂遶樹頭莫教驚殘蝴蝶夢從前仍是一莊周

舉藥山與雲巖遊他忌隨他去山腰間刀響還聞麼巖云甚

麼作聲也須問過山抽刀劈口一斫險拈云雲巖耳根

不清殊覺探頭太過藥山據令而行要且不是好手

何故我王庫內無如是刀

草色萋萋烟色橫山鳴谷應話無生誰知杖履追

隨處驚起狂猿夢不成

舉僧問道吾如何是和尚淡淡處淹殺關黎吾下禪牀作

女人拜云老婆禪謝子遠來無可祇待餓飯祭閑神拈云

九重密處禁殿苔侵丹陛陞時綸音下降欲叩深宮
意旨須聽暗裡傳宣還有識得此消息底麼

海底泥龍何處尋雲封古洞影沉沉滔天白浪騰

空出幾負殷勤一片心

舉三聖問雪峰透網金鱗未審以何為食裨兵掉開峰云

待汝出網來卽向汝道撥草瞻風聖云一千五百人善知

識話頭也不識引得狼來屋裡扇峰云老僧住持事繁火到頭來

撒拈云事窮則變理極無私膽大如斗輸他三

聖冒敵衝鋒心空若谷賴有雪峰讓人退已冰稜上

走馬劍刃裡橫身幸爾毫髮無傷且喜精神倍躍這

裡見得竹連烟霧和雲亂溪接松濤夾玉鳴如或未
然切莫枉屈先德

罷業忘功奉重難減伊聲價忒無端高山流水期
相識洗耳掛瓢獨自閑南山石北山田君乘馬兮

我乘船烟波弱柳開新綠兩樣風流一樣看

舉米胡令僧問仰山合同文券何須勘驗今時人還假悟否你

無心我山云悟卽不無太平本是將軍定爭奈落第二頭何

不許將軍見太平僧回舉似米胡胡溪肯之將錯就錯拈云悟

之一字衆妙之門悟之一字衆禍之門且道入此門

底是出此門底是第一頭如何薦取

悟到猶居第二頭見時做出老知羞寶花不上輪

王頂葉落金梧天下秋

舉百丈有時上堂衆纔集蟻從羶處聚云喫茶去便下座

口乾舌渴有時上堂衆纔集蠅向臭邊飛云珍重便下座德力收拾

有時上堂衆纔集隨群逐隊云歇便下座今日衆罔措甚

來去拈云百丈弄盡伎倆都是些驢糞氣若有人出

來掀倒禪牀管教抽身無路利害在甚麼處

悲歡離合太無端倪偶場頭興未闌曲罷酒殘人

不薦空餘仙子下瑤壇

舉龐居士問馬祖不與萬法爲侶者是甚麼人太尊貴生

祖云待汝一口吸盡西江水卽向汝道太饒舌生拈云

龐公向萬仞峰頭置一問于巖俱墮馬祖從大洋海

裡措一辭萬派齊吞旣識脫體無依更要和根打斷

爲甚如此白雪飄時山色老清霜落處樹枝寒

幾度橫身冷似冰誰知有興尚堪乘而今坐在春

風裡凍嶺梅花綻未曾

舉趙州問投子大死底人却活時如何酒逢知己飲子云

不許夜行投明須到詩向會人吟拈云死之與活霄壤

也夜之與明吳越也而不知天地一氣南北同區兩

老異口同音懸空話出詞簡而盡理約而該只是謾

我三山不得

鞞鼓聲聲插不休幾人歡笑幾人愁何時冷却征

衣汗一枕高歌到白頭

舉黃檗示衆云淨眼裡撒沙汝等諸人爲憐三歲子盡是噉酒

糟漢不借兩瑩眉我當時若與麼行脚貧兒思舊債何處更有

今日將謂有多少奇特還知大唐國裡無禪師麼具甚麼眼便恁麼道

時有僧出云只如諸方匡徒領衆又作麼生打鼓弄琵琶

檗云不道無禪是甚死箇頭祇是無師珍重黃檗老漢拈云黃

檗眼空天下冷口熱腸雖是引正後昆不狎諸方檢

點還免得自己分上麼身爲浪子偏憐客慣愛貪杯

識醉人

綠柳紅桃次第開風流豪俠正徘徊誰知一片却
山土賺得英雄盡活埋

舉法眼以手指簾

牽藤引蔓

時有二僧同去捲簾

認影迷頭眼

云一得一失

惑亂不少

拈云二僧總不伶俐若向未指

以前薦得只合拂袖而行豈至落他圈縲法眼縱有
殺人刀活人劍終是明眼難瞞

賣卜何心買卜難畫眉樓上倚闌干多年不盡相
思恨把筆重新帶淚看

舉石鞏張弓架箭以待學者

今日如何舉似人

三平詣之

換白刃

鞏云看箭

不是好手

平乃披襟當之

喪身失命

鞏云三十

年來張弓架箭只射得半個漢

且莫壓良為賤

拈云聲應氣求即不無正眼看來未免弄巧成拙

閑來沒事理瑤琴嘯月吟風一片心漫撥冰絃呈
巧手高山流水貴知音

舉僧問曹山佛未出世時如何

佛

山云曹山不如

太甲

生

僧云出後如何

非佛

山云不如曹山

太尊生

拈云威

音那畔恰好逍遙現世門中止堪遊戲坐着則仰望
不及走殺則猶落後塵豈真貴賤分途但要後先合

轍曹山道個如與不如也直是較長比短

靜夜佳人睡錦幃起來含笑拂羅衣何如打破香銷夢免使檀郎說是非

舉無為泰豎拂子云

金屑雖貴會得喚作禪

明明百

明祖師意不會果然難

一片白雲橫谷口難難鐵壁

銀山目前

隔個須彌山

面壁許多歸鳥盡迷巢

信口道來無不是那塊

精底

別云不會喚作禪會了果然難須彌山開眼卽是信口道全沒來由放下着一齊破要問諸人如何

是一齊破

夢裡關山行路難醒來依舊據征鞍爲問長安多少客幾人踢倒玉闌干

舉僧問玄沙如何是和尙親傳底事

些低聲

沙云我是

謝家兒

面赤不如語直

拈云問到至情傾心吐膽固是還

知面皮厚處麼家醜不可外揚

問到親傳事不干分明話出太無端從教諱名不

諱姓一派淵流下口難

舉一僧過天龍

甚麼圓個

龍豎一指示之

不因樵子徑

僧大悟

爭到葛洪家

後示寂云吾得天龍一指頭禪

受用不盡

三十年不少鹽醬

拈云一指頭禪有甚交涉賺

殺阿僧終身活埋而今豎指者多矣得此受用者幾人哉千載而下令人浩嘆

暗裡傷人不用刀十分痛處是誰遭玄猿墮下和
腸淚亘古流來恨未消

舉僧問巖頭起滅不停時如何家鬼頭咄云合取是

誰起滅識得不拈云巖頭有定亂機謀且無太平

贊畫這僧被這一咄不知腦後重了多少

三尺神鋒未慣經離離草色滿荒庭勸君莫向沙

場過直恐聞風帶血腥

舉僧問趙州如何是趙州曾到此州云東門南門西

門北門莫言不道拈云本分為人還他趙州始得雖然

蹉過者不少

行脚多年歸去來幾番辛苦對城隈四面門開無

鎖鑰誰能踏破古蒼苔

舉僧問青原如何是佛法大意占南原云廬陵米作

麼價指東拈云青原一期方便且從雖然有利無

利不離行市高臺時價作麼

為駕輕舟泛五湖雲山海月不曾殊歸來一段風

流况但把冰心對玉壺

舉善道遭沙汰時退身常以拄杖示眾云不勞過去

諸佛也恁麼三未來諸佛也恁麼四五現在諸佛

也恁麼七八拈云恁麼也得不恁麼也得汝等諸

人切忌拄杖子換却眼睛

千尺長松耐歲寒亭亭老幹任君看等閑識得其

中意漫把枯桐對月彈

舉南泉示衆云王老師要賣身窮思阿誰要買不是

不聚一僧云某甲買也須照泉云他不作貴價千金

不作賤價一文汝作麼生買上下僧無對鈍滯趙州

代云捨行明年來不賤與和尚縫個布衫針切忌粗

拈云南泉趙州失利了也好與一齊打殺免得鬻短

炫長

特特賣身賣不成何言水怪與山精當行幸遇承

家子不借權衡識重輕

舉僧問栢巖如何是道脚下巖云徒勞車馬跡何不早道

拈云尋踪訪跡程途轉賒涉水登山白雲萬里直

須離却行市珍重脚頭庶幾少分相應不然青天白

日走殺多少人

脚底茫茫去復來長安路上幾徘徊何人識得風

塵苦好把狂情當下灰

舉僧辭歸宗云某甲往諸方學五味禪這山望着宗

云我這裡有一味禪為甚不學飯羅邊餓僧云如何

是一味禪鈍鳥逆宗便打有甚奇拈云這僧貪多

一掃盡

三山禮師請錄卷九

生

支那

三山禮師請錄卷九

七

嚼不爛歸宗拈葉止見啼別有知甘識苦底麼莫將
閑學解埋沒祖師心

策杖何須度遠山
芒鞋脫處任幽閒
滿瓶薄醕隨

君喫滋味從來總一般

舉僧問九峰如何是西來意了却也峰云一寸龜毛重

九斤不倍拈云權然後知輕重度然後知長短九

峰恁麼道曾經權度也無美則美矣西來意未夢見

在

馬首斜陽影漸低無端幽鳥亂峰啼行人莫作尋

常調多少聲聲韻不齊

舉仰山指雪獅子云還有過得此色者麼認着即衆

無對代云和尚雲門云當時便與推倒秋去枝雪竇

云只解推倒不解扶起春來樹拈云三老各見一

邊何曾道得越格一句更殘夜盡青鴉亂好把風流

對曉粧

寒蛩噪砌三更夢野鶴啼枝半夜天鷄唱一聲人

睡起愁看曉月落前川

舉子昭首座問法眼長老開堂承嗣何人獠蜂眼云

地藏宛有昭云太宰負長慶先師黨理不眼云某甲

不會長慶一轉語是何昭云何不問自坑眼云萬象

之中獨露身意作麼生生滋輪是昭豎起拂子似即

眼云此是長慶處學得底是即首座分上又作麼生

更與一程昭無語早知今日眼云祇如萬象之中獨露身

是撥萬象不撥萬象用索昭云不撥頂門上去眼

云兩個橫推不叅隨左右皆云撥萬象脚板底眼云

萬象之中獨露身曲斷拈云臨場話墮當面熱

瞞惹起許多鬧亂如何得打斷去似訥始平分別路

如愚方塞是非門

聞說長安路不平揮鋤幾度氣如烹到來無數衷

情亂愁聽鷓鴣溪夜鳴

舉明安問梁山如何是無相道場睜眼山指觀音

云這個是吳處士畫底白日換安擬議猶隔一山急

索云這個是有相底那個是無相底放過即安於言

下有省穿過禮拜了歸位也不山云何不道取一句

還我話安云道即不辭恐上紙墨點污山呵呵云此

語上石去後果上碑莫是遭他拈云一槌兩槌便

當再三再四叮嚀機關在甚麼處枯龜妙入孫臏手

一灼爻分十字文

幾枝西向幾枝東濃淡由來致莫窮遲日園林藏

不住無言桃李笑春風

舉風穴示衆云昔日世尊以青蓮華目顧迦葉正恁
麼時且道說個甚麼不勞重舉首山便下去失却一隻眼拈

云風穴雖是憐兒塗乳苦其實眉毛去了大半首山

縱然伶俐猶覺不堪種草何故從門入者不是家珍

抱得瑤琴月下彈曲終人醉玉樓寒朱絃撥動淡

淡意幾個知音肯受諷

舉良遂座主見麻谷今日且罷講谷閉門不接老婆心切遂次

日再往不得封侯志不休谷復閉門可突遂乃叩門金龍失水谷

問阿誰妙翅急提遂擬應名如是忽然有省不是乃云和

尚莫謾良遂向你道甚麼良遂不來見和尚失脚了也幾被經

論賺過一生又被麻谷賺過谷乃印可土上加泥拈云大小良

遂便恁麼去也若是麻谷輕輕放過那能痛快平生

狠毒心腸何太孤殺人見血事難扶偶拈一味相

應草起死回生更別無

舉僧問雲門不起一念還有過也無且信一半門云須彌

山平地起孤堆拈云這僧將謂把火燒山一燎便盡雲

門拈個沒量底欄路頓着令伊出入無門這裡稍作

商量未免滿腔荆棘

雲門突出須彌山聳翠嵯峨任躋攀筋斗倒翻君

莫惜更乘紫氣度玄關

舉雪峰拈拄杖示衆云這個祇爲中下根人放下時着

有僧出云忽遇上上人來時如何自有峰拈拄杖便

去失今日拈云雪峰一放一收反成多事若是遇着

作家奪來拗作兩段又看如何轉身

一枝開綻傍銀牆半惜芳英半送香分付東風收

拾去免教遊子樂春忙

舉僧問首山如何是佛問卜山云新婦騎驢阿家牽

得本地風光一任隨時瀟灑要見首山答處麼

二八佳人美少年隨風蝴蝶勢翩翩夜來撲碎紅

羅夢始笑從前顛倒顛

舉鹽官一日喚侍者與我過犀牛扇子來用他者云

扇子破也真語官云扇子既破還我犀牛兒來只恐

向者無對切忌資福畫圓相於中書一牛字破也

拈云鹽官追索過情侍者若解當面奉掌豈不團圓

拈出更待資福補綴終是頭角不全此外有別呈伎

倆麼還我犀牛兒來

玩水觀山興欲驕斷橋風雨恨無聊誰知野色猶

堪賞一聽丹青任意描

舉雲門云乾坤之內宇宙之間大好中有一寶秘在

形山是甚拈燈籠向佛殿裡蘇魯將三門來燈籠上

悉喇拈云雲門若無後語幾乎話墮雖然未免拂

跡成痕

古岍船稀野渡空韶陽一葉慣乘風數聲歌起滄

江上喚出雲雷吼玉龍

舉慈明冬日榜僧堂作此字三三三調曲節候殿寒其

下注云蛇腹添足若人識得不離四威儀中猶有這首座

見云和尚今日放參觀破明聞而笑之一拈云

理無跡至功不浪施金繩裡外牢拴玉液當頭迸出

一陽丁來復梅開雪嶺生香七日見天心水涸水河

解凍到這裡泥牛懽笑石女謳歌須是恁麼人始解

恁麼事試看慈明作字雖然體勢未完要且意隨筆

到首座一言道破謂復具眼不具眼三千劍客今何

在獨許莊周見太平

剝盡群陰返自然後天天復先天天風花雪月平

生趣興罷歸來抱枕眠個中事對誰傳援毫淡淡

點雲烟承家有子應須薦笑語相將學賣顛

舉外道問世尊不問有言不問無言須止不世尊良

久謝答不外道讚歎云世尊大慈大悲莫開我迷雲

傳因柳毅何令我得入洞庭湖拈云外道被世尊

一杓惡水脫盡皮膚單留三寸舌頭頌恩讚德雖然如是也是白日着鬼

野老家常盡日閒柴門雖設不曾關白雲幾度來

相訪笑倚青山任往還

舉瀉山問仰山甚處來老老大大來處也不識仰云田中來如實

通供山云田中多少人較甚多寡仰插鋏叉手而立暗裡抽

山云南山大有人刈茅費手脚生仰拈鋏子便行明中坐舌頭

拈云功勳邊事坐則成偏向上關頭踏着便轉機

前接引格外承當除是瀉仰父子多有喚不回頭底

立地死人如麻似粟

貽謨燕翼事非常一度經來一度忙雨散雲收生

晚翠遙瞻秋色映南岡

舉五祖演舉一秀才著無鬼論只恐杜撰得來一日鬼現身

云你道無我聲喚秀才無語呼拈云見怪不怪其

怪自壞耐耐這秀才有心無膽若能當面便唾教伊

逃竄無門

十載芸窓意氣豪舌頭如劍筆如刀誰知話到傷

心處鬼魅無端白晝號

舉僧問黃連如何是聲前一句剗連云聲前無句恁

麼口喃聲後問將來不禮拜更待何時拈云入理淡談委曲

不少前後際斷聲句都捐又作麼生咄

朔風凜凜不停吹正是東君熟睡時偶來驚破枝

頭夢梅花開笑杏花遲

舉臺山路上有一婆子寬家路窄凡有僧問臺山路向甚

麼處去看脚婆云驀直去咄僧纔行了也婆云好個

阿師又恁麼去也口是兩片皮僧舉似趙州好話通六耳州云

待我與勘過老不州亦如前問將謂婆亦如前答再

不值州回上堂云我為汝勘破婆子了也難明眼拈

云此段公案卜度者盡道婆子止得一橛之機不知

如大冶精金終無變色畢竟趙州勘破在甚麼處良

久云將謂無人

搖唇鼓舌傍層巒多少行人被熱瞞潦倒趙州旁

不肯一回勘破太無端臺山路去者難白雲覆處

數峰寒茅蘆草徑依然在踏破莓苔露未乾

舉藥山一日在石上坐動着即石頭見問云在這裡

作甚麼隨分納山云一物不為今日頭云恁麼則閑

坐也水浸麻繩山云閑坐即為也火燒竹筒頭云汝

道不為不為個甚麼且聽山云千聖亦不識舉此話

拈云石頭針針刺骨藥山句句傾心不是本分衲

僧未免臨機話墮

傍石臨巖寄此身蒲團換得一生貧有人問到從中意衲被蒙頭不記春

舉無着到五臺

草鞋

喫茶次

湯水

文殊拈起玻璃盞

放下

問南方還有這個麼

不道

着云無

文殊

殊云尋

常將甚麼喫茶

無着

着無語

夫利

代云中底澗

悞入桃源一洞天枝頭紅綻關芳妍花開莫教隨

流水蕩漾臨波那直錢

舉僧問曹山世間甚麼物最貴

○這

山云死貓兒頭

最貴

好惡也

僧云為甚死貓兒頭最貴

不妨

山云無

人着價

道破不

拈云是即是且將甚麼喚作死貓

頭莫道着價無人即天眼龍睛也覷他不着

曾把奇珍處處尋一朝拈出血淋淋四七二三沾

不盡從教鈍滯到而今

舉僧問白雲藏如何是和尙溪溪處

為伊

藏云矮子

渡溪溪

出頭道

拈云白雲當時不措一辭猶較些

子恁麼道來溪溪處處總未見得

古洞寒泉曉夜流千尋潭影沒荒丘行人莫向溪

頭渡脚底茫茫有許愁

舉馬大師不安

有不病

院主問和尙近日尊候如何

師資

大師云日面佛月面佛

何不

拈云馬師一言

之下針劄不入水泄不通且作麼生卜度本自無瘡
勿傷之也

日暮斜陽影翠微草花木樹自依稀閑來懶話山
中事但啓柴門嘯落暉

舉僧問投子凡聖相去幾何咄子下禪床立一時頓斷

拈云投子裝模作樣手脚不穩若待這僧問時痛與
一頓免得向凡聖相去處躲根還識伊做處麼天隨

明月淨水共白雲開

柴床竹榻結相知懶下蒲團不記時客到無心閑
共語一番特地動溪思

舉僧問九峰如何是頭草枯鷹峰云開眼不覺曉切

隨他僧云如何是尾雪盡馬峰云不坐萬年床迤迤

去疎漁翁就市峰云終是不貴與我

奴兒婢子漁翁就市僧云有尾無頭時如何獨老關門峰云雖

徒勞力漁翁就市僧云有尾無頭時如何獨老關門峰云雖

飽無力露柱登籠僧云直得頭尾俱稱時如何●峰

云兒孫得力借君拄杖祖父不知衲被蒙頭拈云

靈枝劫外覆却今時現世門頭終歸實際老漁串錦

扁舟一葉泛渺茫牧子橫牛鐵笛數聲吹巖畔若終

始路絕先後途窮合作麼生夜溪不向蘆灣宿迥出
中間與兩頭

雲從龍風從虎陰陽變動興雷雨指南一道智猶
疎瑞草無根德亦腐過量人沒區宇午夜常懸帝
網珠當軒慣打細腰鼓

三山來禪師語錄卷九

三山來禪師語錄卷十

頌古目錄

臨濟吹毛	德山托鉢	洞山非佛
龍牙行拳	雲門杓柄	法眼曹源
東印請祖	仰山法身	洛浦伏膺
臨濟真人	洞山尊貴	趙州庭栢
德山及盡	趙州放下	馮山犴牛
幽棲敲鐘	洞山孔竅	雪峰覆盆
投子彈指	雲門糊餅	疎山大黃
三聖逢人	長慶展手	法眼毫釐



留漢述

三山禪師語錄卷十

趙州曾到

南泉斬猫

資福圓相

德山寐語

洞山麻斤

仰山攜杖

護國洗面

首山此經

大隨劫火

趙州玄殺

石霜奪笏

長慶捲簾

芭蕉法身

歷村煎茶

圓通囊寶

趙州大道

仰山驗僧

長沙竿頭

南泉牧牛

投子歸庵

魯祖面壁

雪峰住庵

洛浦大悟

雲門鉢飯

目畢

三山來禪師語錄卷十

書記普定編

頌古 着拈

舉僧問臨濟如何是吹毛劍 利 濟云禍事禍事 險僧

禮拜 謝和尚 慈悲 濟便打 血濺 梵天 拈云這僧不顧危亡甘

自當鋒觸錐臨濟慣弄神鋒殺人手段伊即不無活

人機關未敢相許

吹毛利劍射斗光銛觸着磕着事出非常禮拜也

好承當輕輕放過有何妨直謂能搗塗毒鼓幾曾

蒸得返魂香

三山禪師語錄卷十

三山禪師語錄卷十

七

舉雪峰在德山作飯頭侍官一日飯遲失在德山托

鉢至法堂飯斯峰云這老漢鐘未響鼓未鳴節候也

托鉢向甚麼處去上堂山便歸方丈明知好酒峰舉

似巖頭路見頭云大小德山未會末後句在剗削山

聞春雷令侍者喚巖頭問云汝不肯老僧那好作頭

密啓其意一字入山乃休去此牛振至明日陞堂謂

將果與尋常不同元來頭撫掌笑云一家有事且喜

老漢會得末後句證父他後天下人不奈伊何有多

特拈云用無義手打不防家雪峰可稱孝子以屋

裡人說家常話巖頭真是逆兒德山平地鋤坑兩度

將人賺過具眼底試揀辨看

末後句妙難量春風一度百花香歸丈兮非南非

北陞堂也何短何長薜蘿巖畔篩新月影落銀花

半夜霜

舉洞山垂語云撒出體得佛向上人年尊不方有說

話分說得也僧云如何是佛向上人本來無山云非

佛垢膩汗衫法眼云方便呼為佛將高就低拈云

貴賤異位出入同途轉位迴機眉橫眼上隨途得妙

耳掛腰間物外清閑寰中遊戲大似分疆列界一隊

無孔鐵鎚還見洞山法眼麼掉唇弄舌有甚交涉處

眠雲臥月幾春秋懶入風塵作浪遊夢破不因泉
石動乘流依舊泛輕舟

舉僧問龍牙十二時中如何用力拈匙把筋牙云如

無手人行拳見磨石門聰云龍牙只道得一半那一半乃

云如無舌人解唱歌開磨天童慧云石門也只道得一

半這一半直須通身如舌手始得會磨拈云龍牙半斤石

門八兩天童亦未全在直須舌手如通身始得

幾番岐路泣亡羊堪嘆時人話短長放下歸來無

個事烹茶掃地爇鑪香

舉雲門問直歲今日作甚來隨分歲云刈茅來且對說門

云刈得幾個祖師和尙善志歲云三百個錯算不門云朝

打三千暮打八百天地玄黃東家杓柄長西家杓柄短字

荒洪作麼生啞啞歲無語漸惶殺人門拈拄杖便打氣急徑

山杲云直歲無語有三百個祖師證盟又得徑雲門

令雖行有甚要且棒頭無眼知人之哲拈云徑山

手擡手捺不惟冤屈直歲亦且冤屈三百個祖師雲

門令既行自是棒頭有眼

棒頭無眼翳雙睛三百祖師空證盟莫教再從山

下過恐聞猿叫斷腸聲

舉僧問法眼如何是曹源一滴水小官多眼云是曹

操述

源一滴水老將不談兵拈云法眼恁麼答話可謂簡而

文温而理其實傾出曹源又是惠而不費還有直下

承當底麼

一目長空不夜天疎星幾點映前川霜寒懶拾溪

頭鈞不脫蓑衣抱月眠

舉東印土國王請二十七祖般若多羅齋大好供養王問

云何不看經湯水錢算多少祖云貧道入息不居陰界明歷歷底

一場出息不涉衆緣孤迥迥底常轉如是經百千億

萬卷恁麼那拈云如是經如是轉正眼看來總不若

一無心道人何故直饒道得分明未免遭人檢點

掃却金沙任運行不將些子障青睛自從識破啼

兒夢萬壑聲消秋水平

舉僧問仰山湧如何是法身寶本來無一物湧云百舌未

休枝上語鳳凰爭肯共同棲放下便平穩拈云坐着墮

在法身蹉過迷却家寶如何得相應去良久云我到

這裡却不會

清淨本然事莫分何須着意太殷勤一朝弄得丹

霞斧帶霧連雲一掃焚

舉洛浦叅夾山不禮拜當面而立行脚勞倦山云鷄棲鳳

巢非吾同類出去一手推一手拽浦云自遠趨風乞師一接

五言

三山單面語錄卷

四

鐵述

三山神語金卷

四

如裡

拜薦

山云目前無閣黎

相逢不

此間無老僧

相逢不

浦便喝

更別有

山云住住且莫草草匆匆雲月是同

溪山各異

從頭一

截斷天下人舌頭卽不無洛浦爭

教無舌人解語

夾山

浦無語

一場

山便打他日骨疼

浦從此伏膺

奉打心

拈云洛浦不遇夾山幾乎一

生蹉過還知夾山鉗鎚處麼絕後再甦欺君不得

龍門千尺爲誰開吸浪長鯨任去來燒尾莫教徒

點額雷轟電掣正徘徊

舉臨濟示衆云有一無位真人

鬼面

嘗向汝等面門

出入

東湧

初心未證據者看看

高着

時有僧問如何

是無位真人

本來非

濟下禪床擒住

何處辨

僧擬議

原教

濟托開云

險處

無位真人是甚麼乾屎橛識破

錢

拈云有殺有活有縱有奪臨濟可謂痛快爲人

不料返成鈍滯如何得不辜負去未證據者看看

王孫芳草日萋萋細綠成茵觀馬蹄一望平原誰

是主隨風楊柳絮沾泥

舉洞山到北巖

圖個

巖云甚處來

問取脚

山云湖南

來

今日舉

巖云觀察使姓甚麼

志却

山云不得姓

喚

巖云名甚麼

寧可

山云不得名

共住不

巖云還理

事也無

無爲

山云自有廊幕在

良哉

巖云還出入否

三山神語

卷第十

五

莫動 山云不出入元首巖云豈不出入類煩山拂袖

着 出去別日再巖來日侵早入堂名洞山云老夢昨日

問上座話不稱老僧意一夜不安未了今請上座別

下一轉語更聽若慚老僧意不可便開粥相伴過夏

祇恐勞 山云却請和尚問有本者巖云不出入事如

何卓一山云太尊貴生禮然巖乃開粥同過夏盤

盤桓 拈云峰前怪石綠苔不侵劫外靈枝春風

難到龍樓鳳閣夜淡燈落銀缸甘雨鹽梅日用羨調

玉鼎輔相惟資佐弼垂拱不動尊嚴畢竟如何是尊

貴一句聲色泯時群鷺戢紫微淡處眾星攢

君自君兮臣自臣九重溪密孰相親叮嚀問到其

中事漫把從前仔細陳

舉僧問趙州如何是祖師西來意分明州云庭前栢

樹子只道僧云和尚莫將境示人喚作境州云我不

將境示人且信僧云如何是祖師西來意疑則州云

庭前栢樹子道纒拈云明明百草頭明明祖師意

雖然如是切忌幾個栢子換却眼珠

偶來無事啓柴扉處處山花點翠微但得從中開

兩眼莫教喪却目前機

舉德山示眾云及盡去也還在直得三世諸佛口

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

一經通

三山經詩話卷十

六

掛壁上略較此猶有一人幾乎志却呵呵大笑是何若識此
人瞎參學事畢未敢拈云好好復徵云且道那一
個好分辨得出與德山把手並行如或未然不得放
過

寒潭寂烟水秋行人落寞野老風流徹骨寒梅香

噴鼻笑殺東風卒未休

舉巖陽尊者問趙州一物不將來時如何莫道無州

云放下着痛處巖云一物不將來既如放下個甚麼

又加州云放下不擔取去是伊討拈云前箭猶輕

後箭淡

茅舍蓬門守志孤半生辛苦織塵無輕衫莫教烟

霞染脫體風流靄畫圖

舉劉鐵磨到瀉山不是開山云老牯牛來也探竿磨

云來日臺山大會齋和尚還去麼影草山放身臥裡靴

弄指磨便出去怪伊拈云兩牛鬪額勝負未分道

是瀉山絆倒鐵磨脚跟其實鐵磨穿着瀉山鼻孔竟

作麼生開散

收放卷舒意已諧好將心緒對同儕更闌夜靜無

閑思各自抽身各賣乖

舉幽棲一日敲鐘上堂有條大衆纔集今日棲云甚

法苑珠林

三山經詩話卷十

七

麼人打鐘

設網捕魚

僧云維那

是非只為多開口

棲云近前來

張弓

待免

僧近前頰腦皆因強出頭

棲便打

寬及平人

却歸方丈又恁麼去也

拈云呼牛喚馬怒鬻傷龜殺活堯行機關莫測這

僧禍出非常且教阿誰代解

雲岡野徑日初斜風急春殘看落花陌上行人悲

路晚遠村猶自隔烟霞

舉僧問洞山如何是衲僧孔竅

我有機

山云十八女兒

不繫裙

瞬目視伊

拈云恁麼道不怕瞎却天下人眼

煨盡頑軀萬象空玲瓏透體絕形容堂堂大露從

君看不語含情一笑中

舉雪峰在洞山做典座淘米次

賢者多勞

山問淘沙去米

淘米去沙

無二

云沙米一齊去

忒是拋撒常住

山云大眾

喫個甚麼

祇管下口

峰覆却盆

來日不

山云得即得須見

別人

明眼難辨

後果見德山

靈山授記不似今日

拈云及盡今時

孤危險墮欲得轉身吐氣還須分火照隣雪峰得處

既見德山然則洞山處又如何打當荒丘跡絕苔空

綠踏破芒鞋別有天

凜凜寒霜木葉疎顰眉野老暗嗟噓金梭織轉三

春絮芳草萋萋不用鋤

舉僧問投子三身中那身說法

水上座口喃喃

子乃彈指

如是

開我拈云投子彈指道是那身說法諦聽諦聽

劈破虛空口若眉一聲彈指妙難思無絃音韻隨

敲唱幾個知音許共期

舉僧問雲門如何是超佛越祖之談若將耳聽終難會門云

糊餅眼底開聲始得知

拈云溪談實相帶齒沾牙妙解玄

微和油合麵雲門恁麼道且教如何領略分明香

在梅花上尋到梅花香又無

鼓角樵樓午夜催金鷄啼斷禁城開綸音播處王

言重待露啣香遍九垓

舉疎山冬至夜有僧問如何是冬來意一陽初動處山云

京中大黃大小往來都如此道

拈云真語者實語者若向

這裡下得口嚼得碎管教臭惡肝腸一齊瀉盡還有

宵服此藥者麼

冬日陽回一線長夜深相對月當央有人問到山

中事野菜藜羹滿頰香

舉三聖云我逢人即出久仰尊慈出則不為人官不與化

云我逢人即不出甚麼心行出則便為人私通車馬拈云偏

處不逢玄中有路兩老漢狠毒不少且道為人在甚

麼處

逢場作戲幾時休換面改頭任自由離合悲歡今

古事一番唱出一番愁

舉僧問長慶如何得不疑去

發

慶展兩手

直爲分明極

拈云山青水綠李白桃紅恁麼薦得千足萬足其或

未然且向長慶肘下翻個筋斗

個事明明說向君打開八字太區分等閑識得娘

生面萬語千言總不聞

舉法眼問修山主毫釐有差天地懸隔汝作麼生會

金將火試

修云毫釐有差天地懸隔

雖瞭雖脫敲未免抱寒枝

眼云恁

麼會又爭得

曹溪波浪如相似無限平人被陸沉

修云某甲只恁麼和

尚又如何

更上一層樓

眼云毫釐有差天地懸隔

因不

重舉

修便禮拜

幾乎

拈云去縛解粘敲枷打鎖從尋

常識量外起死回生須是法眼始得還有別通一路

者麼毫釐無差天地懸隔

同途異路別山溪谷口雲淡下脚迷歷盡崎嶇風

月冷隣鷄一任五更啼

舉趙州見僧來便問曾到此間麼

花徑不曾緣客掃

僧云不

曾到了也

州云喫茶去

月照平湖潤

又問僧曾到此間麼

蓬門今始爲君開

僧云曾到

趙州路滑州

云喫茶去

雲垂華嶽低

拈

云接待往來隨家豐儉雖係趙老本色其實醍醐毒

藥一齊並舉若要些子沾唇未免喪身失命

土壁茅簷亂砌階客來不用巧安排相逢但教喫
茶去無限情思且放懷

舉南泉一日東西兩堂爭猫事從根起泉提起猫云道得

卽不斬放下衆無對斬卽任斬道卽不道泉斬猫爲兩段殃及無辜

後舉似趙州收之西開脫草鞋頂出一場泉云子

在恰救得此猫證何人盟拈云東西兩堂難兄難弟南

泉趙州是父是子雖是一期方便未免鬧亂家庭各

與三十拄杖何故不合因小失大

沙場漠漠戰初停雨暗雲愁草木腥不有英雄三

尺劍烽烟能得幾時寧

舉僧問資福如何是古人歌不妨洗耳福畫○相舌頭不出口

徵云誰是知音者

淡淡晴山晚谷低野橋烟樹語黃鸝玲瓏轉出無

生調問到人間幾個齊

舉臨濟侍德山次師資分上山云今日困猶自說濟云這

老漢寐語作麼聽得分明山便打時公濟掀倒禪床倒戈

拈云無事討事以禮答禮直在其中矣若論父慈

子孝兩老猶歎一着在

庭闈無事漫商量語話投機齒頰香情義疎時恩

義重一時千載永流芳

舉僧問洞山如何是佛鼻孔下山云麻三斤貨賣當時

拈云識取鈎頭意莫認定盤星還有知重識輕底麼

麻麻

擬問長安路轉賒芒鞋踏碎洛陽花雲山歷歷無

遮障古徑蒼苔映日斜

舉仰山攜一杖子登山涉水少伊不得有僧問甚處得你且疑着山

拈向背後收拾不暇僧無對代云和尚莫謾人

西天小釋迦攜杖不着便問來向後拈不識頭和

面拍盲禪見不見挂地撐天如閃電

舉僧問護國心法雙忘時如何枯木倚寒巖國云不洗面

漆僧云月落寒潭時如何夜半絕行人國云不洗面漆僧

云光境俱忘時如何明月蓋花國云不洗面漆拈

云護國答處直為這僧病中膏肓且作死馬醫還會

漆桶話麼易分雪裡粉難辨墨中煤

心不存兮法不留梧桐葉落海天秋三關一簇憑

君透古鏡研磨莫放休

舉僧問首山一切諸佛俱從此經出且道此經出如何

是此經火山云低聲低聲只怕齒不關風僧云如何受持祇

看山云不染汗何勞立拈云圓陀陀無稜縫光皎

皎沒纖塵能現金臂紫摩莫作白紙黑字畢竟如何

受持顰樹底不妨飛黃葉溪邊何礙漱清流

本自無生無不生渾淪橐籥卒難明任從十號周

塵刹莫把纖雲點太清

舉僧問大隨劫火洞然大千俱壞未審這個壞不壞

試定隨云壞真語僧云恁麼則隨他去也汝還隨云

隨他去不異僧問龍濟劫火洞然大千俱壞未審這

個壞不壞不妨濟云不壞實語僧云因甚不壞再問

濟云為同大千不誑拈云一個順水推船一個逆

風把舵莫道分門別戶其實異口同音還知壞不壞

底道理麼徑開葉落秋常滿山靜雲淡水白流

這個壞雲山海月依然在這不壞虛空爛却無邊

界隨他去也水綠山青同大千兮地擎天蓋穿頂

破帽兩頭空從教顛倒一齊戴

舉僧問趙州如何是玄中玄木馬上州云汝玄來多

少時也看病用方僧云玄之久矣三十年來州云若

不遇老僧幾乎玄殺放下來時拈云這僧撞頭磕

額知進不知退趙州狼牙虎爪解推不解扶若能就

下平高且與因邪打正

如雨春溪落夜長繁花唯逐亂風狂曉來滑蝶東

牆過何事尋香苦太忙

舉裴相國一日訪石霜掛冠一朝霜因取笏問云和

莫開在官人手中為笏我知在老僧手中喚作甚麼

無二裴無對忘却乃為留下永鎮山門君子不奪

拈云石霜傷廉裴公傷惠二俱失利裴公且置那裡

是石霜失利處不妨再舉

狹路相逢事異哉面皮熟處口難開雖然不語情

無限到底輸他一笏來

舉長慶一日堂前捲簾兩手十忽然大悟白日作頌

呈雪峰云開眼也大差也大差必改捲起簾來見天

眼花有人問我甚何宗不值拈起拂子鷄口打且

造誰人不愛次峰可之子孫賢拈云酒不醉君子長慶當時

何不一笑而休因甚呈賊聽斷我也知你忍禁不得

平生辛苦太無端喫盡窮酸徹骨寒不是捲簾開

正眼幾乎辜負七蒲團

舉僧問芭蕉如何是透法身句高着蕉云一不得問

陰山二不得休十字僧云學人不會最蕉云第

三度來與你相見十萬八拈云不犯尊嚴是非莫

到曲垂方便消息旁通芭蕉已是說如來禪何故阿

僧到底惜懂步步登高易心心放下難

嵐光烟霧接雲樓一徑中分草色幽何處流鶯啼

撰述

三山風俗詩卷一

不住春殘猶自話枝頭

舉歷村煎茶次湯今日僧問如何是祖師西來意便請

把火村舉起茶匙撒沙僧云莫這個便當麼但恁村擲

向火中當得當拈云歷村因地起倒竭力爲人若

向舉起擲下處一眼覷破庶不辜負婆心不然空納

一場敗闕

忘機無事臥烟霞折脚鐺中漫煮茶祖意明明收

放處幾乎認作兩頭蛇

舉僧問圓通秀知師久蘊囊中寶死釘頭今日筵前

略借看祇恐眼秀云君子愛財取之有道有人拈

云這僧貪觀分外圓通愛惜家珍不是趙璧燕金非

同玄珠碧玉直饒和盤托出且道作麼着眼

無相無名獨自珍非形非色那堪陳囊中縱有千

般物此物如何舉似人

舉僧問趙州如何是道關街州云城外底月圓僧云

不問這個道蹉過也州云問甚麼道不妨僧云大道

訪跡尋踪州云大道透長安日出拈云曲不如直表不

如遮詎知直中藏曲表裡有遮反疑節外生枝以至

當前蹉過欲會長安大道麼復高聲云看脚下

數十年來江上遊乘船幾度去尋舟踏翻滄海金

支那

三山風俗詩卷一

七五

撰述

三山房詩話卷

三

波濤更泛星槎帶月浮

舉瀉山問仰山忽有人問一切衆生但有業識茫茫

貪觀眼無本可據夫却手子作麼生驗試金石不仰

前浪云若有人來也在衆生數裡即召云某甲須呼小玉僧回首

啐乃云是甚麼只要檀即待伊擬議鷄子過向道非

唯業識茫茫亦乃無本可據勘破瀉云善哉且放此

拈云仰山腰懸明鏡胡漢難逃若是遇着衲僧驀

面一掌亦且業識茫茫無本可據

遊人一去水茫茫流蕩湖山蝶夢長鷄唱五更眉

未展回頭不見舊家鄉

舉僧問長沙百尺竿頭險如何進步祇管沙云朗州

山高處澧州水淺底僧云不會放你祇沙云四海五

湖王化裡重說拈云竿頭坐着漁父棲巢縱步橫

行十方瀟灑正恁麼時那裡是衲僧巴鼻普天星月

臨河漢大地風光映斗牛

踏遍風霜滿路寒脚頭脚底受誰謾可憐三十年

前眼近把河山一並看

舉南泉云王老師自小養一頭水牯牛今日如何擬

向溪東牧不免食他國王水草左不擬向溪西牧不

免食他國王水草右不如今不免隨分納些些將錯

支那

三山房詩話卷

三

總不見得無可拈云南泉太生顛倒若論牧向東西也非分外卽云隨分納些些亦是國王水草畢竟如何始得但恁麼會取

自小養來水牯牛幾番辛苦幾番愁而今鼻孔無穿索天地爲欄夜不收

舉投子因雪峰侍立次切莫當開指菴前一片石云也不消得

三世諸佛總在裡許張三李四輩峰云須知有不在裡許

者還是甚麼人子乃歸菴中坐退假免參拈云若逢同道須

拈出不遇知音且覆藏投子卽置且道雪峰還知音

麼須是恁麼人始解恁麼事

參差薄霧鎖烟岑路接高低一徑溪出沒山翁何處去徒教辜負水雲心

舉魯祖見僧來便面壁別峰相見南泉聞云我平常向他

道好作商量空劫以前承當無伊擔荷處佛未出世時會取無伊

下手尚不得一個半個下坡不走快便難逢他恁麼驢年去甚

死拈云做得刻的道得分明兩個老漢不知甚麼

心行

頻來扼斷上頭關慣學閑閑祇自閑兀坐蒲團君

莫笑恐留聲色落人間

舉雪峰住菴時有二僧來參有隙地塊見以手托菴

門放身出云是甚麼攔路僧亦云是甚麼就機打劫峰低

頭歸菴三五步雖活拈云看破了也且道這三處在

那一處看破五步須死獨坐茅廬擁翠微客來特地啓柴屏相逢話出溪

淡意回首無情對落暉

舉洛浦在夾山做典座禮下於人三年喫百頓棒不是

一番寒後來大悟爭得梅花云斬新日月水向石邊

特地乾坤風從花裡拈云洛浦恁麼正好再喫一

頓莫有放過底麼珊瑚枕上兩行淚半是思君半恨

君

竭力忘勞念更親淒淒風雨度三春不因槌破虛

空鼓那得聲聲震遠隣

舉僧問雲門如何是塵塵三昧略漢問門云鉢裡飯

桶裡水只這是拈云睜眼覷着舉手摸着何曾被

蓋囊藏雲門方便點與阿僧莫教向飯籬邊餓死於

海水裡渴殺這裡薦得略較些子其或未然未免當

面蹉過

歷盡風塵兩鬢斑疑眸看得幾何般青山綠水年

年在一任遊人自往還

舉僧問翠巖還丹一粒鼠子點鐵成金不是至理一

藥好手

撰述

三山禪師語錄卷十

言莫寐轉凡成聖有甚學人上來請師一點喪身巖

云不點口不關風僧云為甚不點猶林第巖云恐汝落凡

聖說破不靈 徵云翠巖恁麼道還是點是不點定當得

出有話當面說

鬪白競黃幾度空成陰綠葉自玲瓏幽情愁對秋

楓老染着清霜滿樹紅

舉藥山問石頭承聞南方有直指人心見性成佛之

旨入耳無根是麼錯會頭云恁麼也不得切莫不恁

麼也不得急走恁麼不恁麼總不得只在此別云

恁麼也不得恁麼也得恁麼不恁麼總得因甚石頭

儘力道不出逢人且說三分話未可全拋一片心

嚼碎通紅鐵一團和盆托出任君看相逢說個何

年事慶喜門前倒插筭

三山來禪師語錄卷十



三山禪師語錄卷十


四川向化侯養元譚公諱詣捐俸刻

半書... 嘉... 門... 譚... 養元... 諱詣... 捐俸... 刻... 四川... 向化... 侯... 養元... 譚公... 諱詣... 捐俸... 刻... 四川... 向化... 侯... 養元... 譚公... 諱詣... 捐俸... 刻...

撰

三十九





久

世